

41
1
30

話字板史記

世家

四十四
四十二



楚世家第十

史記四十

楚之先祖出自帝顓頊高陽高陽者黃帝之

孫昌意之子也高陽生稱正義曰稱生卷章

卷章生重黎徐廣曰世本云老童生重黎及

隱曰重氏黎氏二官代司天地重為木正黎

為火正據左氏少昊氏之子曰重顓頊氏之

子曰黎今以重黎為一人乃是顓頊之子孫

者劉氏云少昊氏之後曰重顓頊氏之後曰

重黎對彼重則單稱黎若自言當家則稱重

黎故趙及司馬氏皆重黎之後非關少昊之

重愚謂此重黎為帝嚳高辛居火正索隱曰

解為當重黎

多義曰葉昭于九年在
稱少昊氏有子重黎
氏有子重黎則重黎二
皆大一帝而史記并注
加曰世國之祖是重
黎重黎也官職以史
之謬如事指滋馬是
而之乃一語此是也

為火正。彼少昊氏之後，重自為。甚有功能。光

融天下。帝嚳命曰：祝融也。震翻曰：祝大融明也。共

工氏作亂。帝嚳使重黎誅之，而不盡。帝乃以

庚寅日誅重黎，而以其弟吳回為重黎後。復

居火正，為祝融。吳回生陸終，陸終生子六人。

坼剖而產焉。于寶曰：先儒學士多疑此事，譙

作古史考以為作者妄記，廢而不論。余亦尤

其生之異也。然按六子之世子孫有國外降

六代數千年間，迭至霸王天將興之，必有尤

物乎？若夫前志所傳，脩已背坼而生禹簡狄

胷剖而生契，歷代久遠，莫足相證。近魏黃初

五年，汝南屈雍妻王氏生男兒，從右脇下水

腹上出，而平和自若。數月，割合母子無恙。斯

蓋近事之信也。以今况古，固知注記者之不

妄也。天地云為陰陽變化，安可守之一端，槩

以常理乎？詩云：不坼不副，無災無害。原詩人

之旨明古之婦人常有坼剖而產者矣。又有

因產而遇災害者，故美其無害。○索隱曰：系

本云：陸終娶鬼方氏之妹，謂之女嬃。其長一曰昆吾。震翻曰：昆吾名樊，為

已姓，封昆吾。世本曰：昆吾者，衛是也。○索隱

曰：系本云：其一曰樊，是為昆吾。宋忠曰：昆吾

國名，已姓所出。左傳曰：衛侯夢見被髮登昆

吾之觀，今濮陽城中有昆吾臺是。○正義曰：

括地志云：濮陽縣古昆吾國也。昆吾故城在

縣西三十里，臺在縣西百步，即昆吾墟也。

二曰參胡世本日參胡者韓是也○索隱曰

日參胡國名三曰彭祖封於大彭世本日彭

祖者彭城是也○索隱曰系本云三日錢鏗

是為彭祖虞翻所云是也○正義曰括地志

云彭城古彭祖國也外傳云殷末滅彭祖國

也虞翻云名翦神仙傳云彭祖諱鏗帝顓頊

之玄孫至殷末年已七百六十七歲四曰會

而不衰老遂往流沙之西非壽終也五

人四日本日會人者鄭是也○索隱曰系本云

姓所出鄆國也○正義曰括地志云故鄆城

在鄭州新鄭縣東北二十二里毛詩譜云昔

高辛之士祝融之墟歷唐至周重黎之後

本姓處其地是為鄆國為鄭武公所滅也

曰曹姓世本日曹姓者邾是也○索隱曰系

名也曹姓者諸曹所出也○正義曰括地志

云故邾國在黃州黃岡縣東南百二十一里

史記云邾子曹姓也六曰季連芊姓楚其後也

索隱曰六曰季連是為芊姓季連者楚是也宋忠曰

季連名也芊姓諸楚所出楚之先芊音彌是

反芊音昆吾氏夏之時嘗為侯伯桀之時湯

聲也滅之彭祖氏殷之時嘗為侯伯殷之末世滅

彭祖氏季連生附沮孫檢曰一作祖○索

附沮生穴熊其後中微或在中國或在蠻夷弗

附

能紀其世周文王之時季連之苗裔曰鬻熊
 鬻熊子事文王蚤卒其子曰熊麗熊麗生熊
 狂熊狂生熊繹熊繹當周成王之時舉文武
 勤勞之後嗣而封熊繹於楚蠻封以子男之
 田姓芊氏居丹陽徐廣曰在南郡枝江縣○正義曰穎容云傳例云楚居丹陽今枝江縣故城是括地志云歸州曰東縣東南四里歸故城楚子熊繹之始國也又熊繹墓在歸州秭歸縣與地志云秭歸縣東有用陽城周迴八里熊繹始封也楚
 子熊繹與魯公伯禽衛康叔子牟晉侯燹齊

太公子呂伋俱事成王熊繹生熊艾熊艾生
 熊黜索隱曰一作黜音土感反黜音與但與直同字亦作直也熊黜生熊
 勝熊勝以弟熊揚為後索隱曰鄒誕本熊揚作熊錫又作揚熊揚
 生熊渠熊渠生子三人當周夷王之時王室
 微諸侯或不朝相伐熊渠甚得江漢間民和
 乃興兵伐庸杜預曰庸今上庸縣○正義曰括地志云房州竹山縣本漢上庸縣古之庸國昔周武王伐紂庸蠻在焉揚粵索隱曰有本作揚粵音吁地名也今音越譙周至于鄂正義曰五各反劉伯莊云地名在楚之西後徙楚今

東鄂州是也。括地志云：鄧州向城。熊渠曰：我

蠻夷也。不與中國之號。謚乃立其長子康為

句亶王。張瑩曰：今江陵也。○索隱曰：系本康

縣也。楚文王自中子紅為鄂王。九州記曰：鄂

隱曰：有本作襲紅，音費紅。從下文熊贄紅讀

正義曰：括地志云：武昌縣，鄂王舊少子執疵

為越章王。○正義曰：即上鄂王紅也。皆在

江上楚蠻之地。及周厲王之時，暴虐熊渠畏

其伐楚，亦去其王。後為熊毋康。徐廣曰：即母

康早死，熊渠季子熊摯紅立。摯紅卒，其弟弒

而代立，曰熊延。索隱曰：如此史意，即上鄂王

期立，卒長子摯有疾，少子熊延立。此云摯紅

亦毋康之弟，熊渠者既卒，毋康又早卒，其摯

均注。樂緯云：熊渠嫡嗣曰熊摯，有惡疾，不得

庸。後王命曰夔子也。熊延生熊勇，熊勇六

年而周人作亂，攻厲王。厲王出奔，熊勇十

年卒弟熊嚴為後熊嚴十年卒有子四人長

子伯霜中子仲雪次子叔堪索隱曰堪一作湛少子

季徇索隱曰徇音旬後反熊嚴卒長子伯霜代立是為

熊霜熊霜元年周宣王初立熊霜六年卒三

弟爭立仲雪死叔堪亡避難於濮杜預曰建

濮夷○正義曰按建寧晉郡在蜀南與蠻相

近劉伯莊云濮在楚西南孔安國云庸濮在

漢之南按成公元年楚地千里孔說是也而少弟季徇立是為熊

徇熊徇十六年鄭桓公初封於鄭二十二年

熊徇卒子熊罾立索隱曰罾音鄂亦作噩熊罾九年卒

子熊儀立是為善敖善敖二十年周幽王為

犬戎所弑周東徙而秦襄公始列為諸侯二

十七年善敖卒子熊坎立是為霄敖索隱曰坎音若

感反一作欽霄敖六年卒子熊駒立徐廣曰駒音舜○索

隱曰按平篇响在口部顧氏云楚之先即蚡

非也劉音舜其近代本字有從目者按劉氏

蚡冒十三年晉始亂以曲沃之故蚡冒十七

年卒蚡冒弟熊通弑蚡冒子而代立是為楚
武王武王十七年晉之曲沃莊伯弑主國晉
孝侯十九年鄭伯弟段作亂二十一年鄭侵
天子之田上二十三年衛弑其君桓公二十九
年魯弑其君隱公三十一年宋太宰華督弑
其君殤公三十五年楚伐隨賈逵曰隨姬姓也杜預曰隨國
今義陽隨縣○正義曰括地志云隨州外城古隨國地世本云楚武王墓在豫州新息隨姬姓也武王卒師中而兵罷括地志云上蔡縣東北五十里是隨曰我無罪

楚曰我蠻夷也今諸侯皆為叛相侵或相殺
我有敝甲欲以觀中國之政請王室尊吾號
隨人為之周請尊楚王室不聽遂報楚三十
七年趙熊通怒曰吾先鬻熊文王之師也早
終成王舉我先公乃以子男田五里令居楚蠻夷
皆率服而王不加位我自尊耳乃自立為武
王與隨人盟而去於是始開濮地而有之五
十一年周召隨侯數以立楚為王楚怒以隨

皆已伐隨武王率師中而兵罷皇覽曰楚武

郡銅陽縣葛陵鄉城東北民謂之楚王岑漢

永平中葛陵城北祝里社下於土中得銅鼎

而名曰楚武王由是知楚武王之冢民傳言

秦項赤眉之時欲發之輒頽壞填壓不得發

也○正義曰有本注葛陵鄉作葛陵鄉者誤

也地理志云新蔡縣西北六十里有葛陵鄉

即費長房投竹成龍之陂因為鄉名

子文王熊費立始都郢正義

曰括地志云紀南故城在荊州江陵縣北五

十里和預云國都於郢今南郡江陵縣北紀

南城是也括地志云又至平王更城是也

文王二

年伐申過鄧正義曰括地志云故申城在鄧

州南陽縣北三十里晉太康地

志云周宣王舅所封故鄧城在襄州安養縣

北二十里春秋之鄧國莊十六年楚文王滅

之服處云鄧人曰楚王易取鄧侯不許也六

年伐蔡正義曰豫州上蔡縣在州北七虜蔡

哀侯以歸已而釋之楚彊陵江漢間小國小

國皆畏之十一年齊桓公始霸楚亦始大十

二年伐鄧滅之十三年卒子熊羆立史記索

隱云羆

古羆是為杜敖索隱曰杜作杜敖五年欲殺

其弟熊暉索隱曰暉音紆紆反暉奔隨與隨

襲弒杜敖代立是為成王成王憚元年初即位布德施惠結舊好於諸侯使人獻天子天子賜胙曰鎮爾南方夷越之亂無侵中國於是楚地千里十六年齊桓公以兵侵楚至陘山正義曰杜預云陘楚地潁川召陵縣南有陘山在鄆州西南一百一十里即楚成王使將軍屈完以兵禦之曰屈此山也楚成王使將軍屈完以兵禦之正義曰屈曲勿反完音桓楚族也與桓公盟桓公數以周之賦不入王室楚許之乃去十八年成王以兵北伐

許地理志曰潁川許昌縣故許國也許君肉袒謝乃釋之二

十二年伐黃索隱曰汝南弋陽縣故黃國○正義曰括地志云黃國故城漢

弋陽縣也秦時黃都贏姓在光州定城縣四十里也二十六年滅英徐廣

日年表及他本皆作英一本作黃○正義三

日英國在淮南蓋象國也不知改名時也三十三年宋襄公欲為盟會召楚楚王怒曰召

我我將好往襲辱之遂行至盂正義曰音于宋地也遂

執辱宋公已而歸之三十四年鄭文公南朝

楚楚成王北伐宋敗之泓射傷宋襄公襄公

遂病創死三十五年晉公子重耳過成王以諸侯客禮饗而厚送之於秦三十九年魯僖公來請兵以伐齊楚使申侯將兵伐齊取穀杜預曰濟北穀城縣正義曰括地志云穀在濟州東阿縣東二十六里置齊桓公子雍焉齊桓公七子皆奔楚楚盡以為上大夫滅夔夔不祀祝融鬻熊故也服虔曰夔孫熊軾之後夔在巫山之陽神歸鄉是也索隱曰譙周作滅夔歸即夔之地名歸縣之鄉夏伐宋宋告急于晉晉救宋成王罷歸將也

軍子玉請戰成王曰重耳亡居外久卒得反國天之所開不可當子玉固請乃與之少師而去晉果敗子玉於城濮成王怒誅子玉四十六年初成王將以商臣為太子語令尹子上子上曰君之齒未也杜預曰齒年也言尚少也而又多內寵紕乃亂也楚國之舉常在少者賈逵曰且商臣蠱目而豺聲忍人也服虔曰言不可立之王不聽立之後又欲立子職商賈逵曰職

也而紂太子商臣商臣聞而未審也告其傅

潘崇曰何以得其實崇曰饗王之寵姬姬當作妹

江芊而勿敬也商臣從之江芊正義曰芊怒

曰宜乎王之欲殺若而立職也商臣告潘崇

曰信矣崇曰能事之乎服虔曰若立職子能事之曰不能

能亡去乎曰不能能行大事乎服虔曰謂我君曰能

冬十月商臣以宮衛兵圍成王成王請請食熊

蹯而死杜預曰熊掌難熟異不聽丁未成王

自紂殺商臣代立是為穆王穆王立以其太

子宮子潘崇使為太師掌國事穆王三年滅

江杜預曰江國在汝南安陽縣四年滅六蓼六蓼臯陶之

後杜預曰六國今廬江六縣蓼國今安豐蓼縣八年伐陳十二年

卒子莊王侶立莊王即位三年不出號令日

夜為樂令國中曰有敢諫者死無赦伍舉八

諫莊王左抱鄭姬右抱越女坐鍾鼓之間伍

舉曰願有進隱隱謂隱藏其意曰有鳥在於臯三年

舉曰願有進隱

不蜚不鳴是何鳥也。莊王曰：三年不蜚，蜚將冲天；三年不鳴，鳴將驚人。舉退矣，吾知之矣。居數月，淫益甚。大夫蘇從乃入諫，王曰：若不聞令乎？對曰：殺身以明君臣之願也。於是乃罷淫樂，聽政。所誅者數百人，所進者數百人。任伍舉，蘇從以政。國人大說。是歲滅庸。正義曰：庸，今竹邑縣。六年伐宋，獲五百乘。八年伐陸渾，今是也。遂至洛，觀兵。

戎，正義曰：尹姓之戎，徙居陸渾。○

於周郊。服虔曰：觀兵也。周定王使王孫滿勞楚

王。服虔曰：以郊勞禮迎之也。楚王問鼎，小大輕重。杜預曰：示欲通

周取對曰：在德不在鼎。莊王曰：子無阻九鼎

楚國折鉤之喙。正義曰：喙，許衛反。凡戟有鉤，喙，鉤口之尖也。言楚國戰之

為鼎，言鼎易得也。足以為九鼎。王孫滿曰：

嗚呼！君王其忘之乎？昔虞夏之盛，遠方皆至

貢金九牧。服虔曰：使九州之牧貢金。鑄鼎象物。賈逵曰：象

之於百物而為之備，使民知神姦。杜預曰：圖鬼神百物

之形使民**桀**有亂德鼎遷於殷載祀六百達
日載辭也祀平也商日記殷紂暴虐鼎遷於

周德之休明雖小必重杜預曰其姦回昏亂

雖大必輕杜預曰昔成王定鼎于郊杜預曰郊

屬今河南也河南縣西有郊鄆陌武王遷之

成王定之○索隱曰按周書郊雒北山名音

甲鄆謂田厚卜世三十年七百天眚命也

周德雖衰天命未改鼎之輕重未可問也楚

王乃歸九年相善敖氏左傳曰人或讒之王

恐誅反攻王王擊滅若敖氏之族十三年滅

舒杜預曰廬江六十六年伐陳殺夏徵舒徵

舒弑其君故誅之也破陳即縣之羣臣皆

賀申叔時使齊來不賀王問對曰鄙語曰牽

牛徑人田田主取其牛徑者則不直矣取之

牛不亦甚乎且王以陳之亂而率諸侯伐之

以義伐之而貪其縣亦何以復令於天下莊

王乃復陳國後十七年春楚莊王圍鄭三月

克之八自皇門賈逵曰鄭城門也鄭伯肉袒牽

羊以逆賈逵曰肉袒率羊示服為臣隸也曰孤不天不能事

君君用懷怒以及敝邑孤之罪也敢不唯命

是聽賓之南海若以臣妾賜諸侯亦唯命是

聽若君不忘厲宣桓武杜預曰周厲王宣王鄭之所自出也鄭武

公桓公始封之賢君也不絕其社稷使改事君孤之願

也非所敢望也敢布腹心趙羣臣曰王勿許

莊王曰其君能下人必能信用其民庸可絕

乎莊王自手旗左右麾軍引兵去三十里而

舍遂許之平杜預曰退一舍而禮鄭潘廋潘廋楚大夫入盟子良出

質潘廋楚大夫夏六月晉救鄭與楚戰大敗

晉師河上遂至衡雍而歸二十年圍宋以殺

楚使也索隱曰左傳宣十四年楚子使申舟

而不假道辭我也辭我亡也殺其使者必伐我伐我亦亡也亡一也乃殺之蔡子聞之投

袂而起九月圍宋五月城中食盡易子而食

析骨而炊宋華元出告以情莊王曰君子哉

遂罷兵去二十三年莊王卒子共王審立共
王十六年晉伐鄭鄭告急共王救鄭與晉兵
戰鄆陵晉敗楚射中共王目共王名將軍子
友子友嗜酒從者豎陽穀進酒醉王怒射殺
子友遂罷兵歸三十一年共王卒子康王招
立康王立十五年率子負立索隱曰負音是
為鄭教康王寵弟公子圍徐廣曰史記多作回子比子
哲棄疾鄭教三年以其季父康王弟公子圍

為令尹主兵事四年圍使鄭道聞王疾而還
十二月巳酉圍入問王疾絞而弑之荀卿曰
絞之左傳曰葬王遂殺其子莫及平夏使使
于鄭謂之鄭教赴於鄭伍舉問曰誰為後服虔曰問對曰寡
大夫圍伍舉更曰共王之子圍為長杜預曰
赴辭使從禮告終稱子比奔晉而圍立是為
嗣不以篡弑赴諸侯靈王靈王三年六月楚使使告晉欲會諸侯
諸侯皆會楚于申伍舉曰昔夏啓有鈞臺之

饗杜預曰河南陽翟縣南有鈞臺坡商湯有景亳之命周武

王有盟津之誓成王有岐陽之蒐賈逵曰岐山之陽

康王有豐宮之朝服虔曰豐宮成王廟所在也杜預曰豐在始平鄠縣

東有靈臺康王於是朝諸侯穆王有塗山之會齊桓有白

陵之師晉文有踐土之盟君其何用靈王曰

用桓公杜預曰用會時鄭子產在焉於是晉

宋魯衛不往靈王已盟有驕色伍舉曰桀為

有仍之會有緡叛之賈逵曰仍緡國名也紂為黎山之

會東夷叛之服虔曰黎東夷國名也子姓幽王為太室之

盟戎翟叛之杜預曰太室中嶽也君其慎終七月楚以

諸侯兵伐吳圍朱方八月克之囚慶封滅其

族以封徇曰無效齊慶封弑其君而弱其孤

以盟諸大夫杜預曰齊崔杼弑其君慶封其黨故以弑君罪責之也封

及曰莫如楚共王庶子圍弑其君兄之子負

而代之立穀梁傳曰軍人聚然皆笑於是靈王使棄疾殺

之七年就董華臺杜預曰南郡華容縣有臺在城內下令內

亡人實之八年使公子棄疾將兵滅陳十年
召蔡侯醉而殺之使棄疾定蔡因為陳蔡公
十一年伐徐以恐吳左傳曰使蕩靈王次於
乾谿以待之王曰齊晉魯衛其封皆受寶器
我獨不左傳今吾使使周求鼎以為分其子我亦
服虔曰有功折父對曰其子君王哉折父楚
大夫○索隱曰據左氏此是昔我先王熊繹
右尹子革之詞史蓋誤也

辟在荆山萆露藍萋徐廣曰萆一作暴綢案
服虔曰萆露柴車素大

輅也藍萋言衣散壞其萋藍藍然也
以處草莽跋涉山林服虔曰草
行曰跋涉以事天子唯是挑弧棘矢以共王
事服虔曰挑弧棘矢所以禦其齊王舅也服
曰齊呂伋晉又魯衛王母弟也楚是以無分
而彼皆有周今與四國服事君王將唯命是
從豈敢愛鼎靈王曰昔我皇祖伯父昆吾舊
許是宅服虔曰陸終氏六子長曰昆吾少曰
也昆吾曾居許地故曰舊許是宅今鄭人貪其田不我予今

我求之其予我乎對曰周不愛鼎鄭安敢愛
田靈王曰昔諸侯遠我而畏晉今吾大城陳
蔡不羹韋昭曰三國楚別都也穎州定陵有東不羹襄城有西不羹○正義曰括地志云不羹故城在許州襄城縣東三十里地理志云此乃西不羹者也賦皆千
乘諸侯畏我乎對曰畏哉靈王喜曰析父善
言古事焉正義曰左傳昭十二年析父謂子革曰吾子楚國之望也今與王言如響國其若之何杜預云譏其順王心如響應聲也按此對王言是子革之辭太史公云析父諛也析父時為王僕見子革對故歎也十二年春楚靈王樂

乾谿不能去也國人苦役初靈王會兵於申

僂越大夫常壽過索隱曰僂辱也殺蔡大夫觀起索隱

曰觀音官起子從亡在吳索隱曰從音才松反乃勸吳

王伐楚為間越大夫常壽過而作亂為吳間

使矯公子棄疾命名公子比於晉至蔡與吳

越兵欲襲蔡令公子比見棄疾與盟於鄧杜預

曰穎州鄧陵縣西有鄧城○正義曰括地志云故鄧城在豫州鄧州縣東三十五里按在

西十里是遂入殺靈王太子祿立子比為王

公子子皙為令尹棄疾為司馬先除王宮觀
從從師于乾谿令楚眾曰國有王矣先歸復
爵邑田室後者遷之楚眾皆潰去靈王而歸
靈王聞太子祿之死也自投車下而曰人之
愛子亦如是乎侍者曰甚是王曰余殺人之
子多矣能無及此乎右尹曰左傳曰右尹子革請待
於郊以聽國人服虔曰聽國王曰眾怒不可
犯曰且入大縣而乞師於諸侯王曰皆叛矣

又曰且奔諸侯以聽大國之慮王曰大福不
再祇取辱耳於是王乘舟將欲入郢服虔曰

郢也杜預曰襄陽宜城縣○正義曰首偃括地志云故郢城在襄州安養縣北三里在襄州北五里南去荆州二百五十里按王自夏口從漢水上入郢也左傳云王以夏將欲入郢是也括地志云郢水出襄州義青縣西界託伏山水經云蠻水即郢水是也右

尹度王不用其計懼俱死亦去王亡靈王於是獨傍徨山中野人莫敢入王王行遇其故銷人韋昭曰今謂曰為我求食我已不食三

日矣銷人曰新王下法有敢饗王從王者罪
及三族且又無所得食王因枕其股而卧銷
人又以王自代逃去王覺而弗見遂飢不能
起芊尹申無字之子申亥曰吾父再犯王命
服虔曰纘王姓執人於章華之宮王弗誅息孰大焉乃求王
遇王飢於燈澤奉之以歸夏五月癸丑王死
申亥家正義曰左傳云夏五月癸丑申亥是也申亥以二
女從死并葬之是時楚國雖已立比為王畏

靈王復來又不聞靈王死故觀從謂初王比
曰不殺棄疾雖得國猶受禍王曰余不忍從
曰人將忍王王不聽乃去棄疾歸國人每夜
驚曰靈王入矣乙卯夜棄疾使船人從江上
走呼曰靈王至矣國人愈驚又使曼成然告
初王比及令尹子皙曰王至矣國人將殺君
司馬將至矣杜預曰司馬謂棄疾君蚤自圖無取辱焉
衆怒如水火不可救也初王及子皙遂自殺

丙辰棄疾即位為王，改名熊居，是為平王。平王以詐弑兩王，而自立，恐國人及諸侯叛之，乃施惠百姓，復陳蔡之地，而立其後如故。歸鄭之侵地，存恤國中，修政教，具以慰亂，故獲五率以歸。服虔曰：五率，蕩侯、潘子、午陵、尹喜。平王謂觀從，恣爾所欲，欲為卜尹。王許之。賈逵曰：卜尹，師大夫官。初，共王有寵子五人，無適立，乃望祭羣神，請神決之，使主社稷，而陰與巴姬賈逵曰：巴姬，共王妾。埋璧

於室內。

正義曰：左傳云：埋璧於太室之庭。杜預云：太室，祖廟也。

名五子。

齋而入，康王跨之。

服虔曰：兩足各跨一壁。王一邊。杜預曰：過其上。

肘加之。子比、子皙皆遠之。平王幼抱而入，再

拜壓紐。故康王以長立，至其子失之，圍為靈

王及身而弑。子比為王十餘日，子皙不得立。

又俱誅。四子皆絕，無後。唯獨棄疾後立為平

王，竟續楚祀。如其神符，初子比自晉歸，韓宣

子問叔向曰：子比其濟乎？對曰：不就。宣子曰：

同惡相求如市賈焉服虔曰謂國人共惡靈王者如市賈之人求利

也何為不就對曰無與同好誰與同惡服虔曰言

無黨於內當與誰共同好惡取國有五難有寵無人一也

杜預曰寵頌有人無主二也杜預曰雖有賢賢人而固

慮有主無謀三也杜預曰謀有謀而無民四

也杜預曰民衆也有民而無德五也杜預曰四者既備當以德成之

子比在晉十三年矣晉楚之從不聞通者可

謂無人矣杜預曰晉楚之士從族盡親叛可子比游皆非達人

謂無主矣杜預曰無親族在楚無釁而動可謂無謀矣

服虔曰言靈王尚在而為霸終世可謂無民

矣杜預曰終身羈客亡無愛徵可謂無德矣

杜預曰楚人王虐而不忌杜預曰靈王暴虐無所畏忌將自亡

子比涉五難以弑君誰能濟之有楚國者其

棄疾乎君陳蔡方城外屬焉正義曰方城山在許州葉縣西

十八里也苛憲不作盜賊伏隱私欲不違服虔曰不以私

欲違民心無怨心先神命之國民信之萃姓有

民

亂必季實立楚之常也子比之官則右尹也
數其貴寵則庶子也以神所命則又遠之民
無懷焉將何以立宣子曰齊桓晉文不亦是
乎服虔曰皆庶子而出奔對曰齊桓衛姬之子也有寵
於釐公有鮑叔牙賓須無隰朋以為輔有莒
衛以為外主賈逵曰齊桓出奔莒自莒先入衛人助之有高國以
為內主服虔曰國子高子皆齊之正卿從善如流服虔曰言其疾施
惠不倦有國不亦宜乎昔我文公孤季姬之

子也有寵於獻公好學不倦生十七年有士

五人有先大夫子餘子犯以為腹心賈逵曰子餘趙

表有魏欒賈佗以為股肱有齊宋秦楚以為

外主賈逵曰齊以女妻之宋贈之有藥卻狐

先以為內主賈逵曰四姓晉大夫○正義曰杜預云謂藥叔却穀休突先軫

也亡十九年守志彌篤惠懷棄民服虔曰皆棄民不恤

民從而與之正義曰以惠懷棄民故故文公

有國不亦宜乎子比無施於民無援於外去

晉晉不送歸楚楚不迎何以有國子比果不

終焉卒立者棄疾正義曰左傳云獲神一也

四也居常五也有民二也令德三也寵貴

杜預云獲神當璧拜也有民民信也令德無

苛隱也寵貴如子如叔向言也平王二年使

費無忌如秦服虔曰楚大夫○索隱曰為太

子建正義曰左傳云楚子之在蔡也即陽之

女奔之生太子建杜預云即蔡邑也即

古覓娶婦婦好來未至無忌先歸說平王曰

秦女好可自娶為太子更求平王聽之卒自

娶秦女生熊珍更為太子娶是時伍奢為太

子太傅無忌為少傅無忌無寵於太子常讒

惡太子建建時年十五矣其母蔡女也無寵

於王王稍益疏外建也六年使太子建居城

父守邊正義曰父音甫括地志云成父故城

云襄城城父縣也又汝州襄城縣東四十里

亦有父城故城一所服虔云城父楚北境乃

是父城之名非建所守杜預云言成父又誤

也傳又酈元水經注云楚大城城父使太子

建居之即十三州志云太子建所居城父謂

今亳州城父縣也按今亳州見有城父縣是

建所守者也地理志云穎川有父無忌又曰城縣沛郡有城父縣此二名別耳

夜讒太子建於王曰自無忌入秦女太子怨亦不能無望於王王少自備焉且太子居城父擅兵外交諸侯且欲入矣平王名其傅伍奢責之伍奢知無忌讒乃曰王奈何以小臣疏骨肉無忌曰今不制後悔也於是王遂囚伍奢而名其二子而告以免父死乃令司馬奮揚名太子建欲誅之太子聞之亡奔宋無

忌曰伍奢有二子不殺者為楚國患蓋以免其父名之必至於是王使使謂奢能致二子則生不能將死奢曰尚至奢不至王曰何也奢曰尚之為人廉死節慈孝而仁聞名而免父必至不顧其死奢之為人智而好謀勇而矜功知來必死必不來然為楚國憂者必此子於是王使人召之曰來吾免爾父伍尚謂伍奢曰聞父免而莫奔不孝也父戮莫報無

謀也。度能任事，智也。子其行矣，我其歸死。伍尚遂歸，伍胥彎弓，屬矢出見使者，曰：父有罪，何以名其子？為將射。使者還走，遂出奔吳。伍奢聞之，曰：胥亡楚國危哉。楚人遂殺伍奢及尚。十年，楚太子建母在居巢。正義曰：廬州巢縣是也。吳使公子光伐楚，遂敗陳蔡，取太子建母，而去。楚恐城郢。正義曰：在江陵縣東北六里。已解於前。按傳：城郢在昭公二十三年。下重言城郢，杜預云：楚用子囊遺言以築郢城矣。今畏其復備以自固也。初

吳之邊邑卑梁。正義曰：卑梁，邑近鍾離也。與楚邊邑鍾離

小童爭桑，兩家交怒相攻，滅卑梁人。卑梁大

夫怒，殺邑兵攻鍾離。楚王聞之，怒，發國兵滅

卑梁。吳王聞之，大怒，亦發兵使公子光因建

母家攻楚，遂滅鍾離。居巢，楚乃恐，而城郢。索隱

曰：去年已城郢，今又重言，據左氏昭二十三年城郢二十四年無重城郢之文，是史記誤也。

十三年，平王卒，將軍子常曰：太子珍少，且

其母乃前太子建，所當娶也。欲立令尹子西

子西平王之庶弟也。有義子西，曰國有常法，更立則亂。言之則致誅，乃立太子珍，是為昭王。昭王元年，楚衆不說，費無忌以其讒亡太子建。穀伍奢子尚與郤宛宛之宗姓伯氏子嚭及子胥皆奔吳。吳兵數侵楚，楚人怨無忌甚。楚令尹子常正義曰名瓦在誅無忌以說衆。衆乃喜。四年，吳三公子昭三十年二公子奔楚公子掩餘奔奔楚，楚封之以扞吳。五年，

徐公子燭庸奔鍾離此言三公非

奔楚楚封之以扞吳五年

吳伐取楚之六潛。

正義曰故六城在壽州安豐縣南百三十二里，偃姓

阜陶之後所封也。潛城楚之

七年楚使子常

伐吳，吳大敗楚於豫章。

正義曰今洪州也十年冬，吳

王闔閭伍子胥伯嚭與唐蔡俱伐楚，楚大敗。

吳兵遂入郢，辱平王之墓，以伍子胥故也。吳

兵之來，楚使子常以兵迎之，夾漢水陣。吳伐

敗子常，子常亡，奔鄭。楚兵奔吳，乘勝逐之。五

戰及郢。己卯，昭王出奔。庚辰，吳人入郢。春秋云十

一月庚辰昭王亡也至雲夢雲夢不知其王也射

傷王王走鄭正義曰走音奏鄭音云括地志云安州安陸縣城本春秋時鄭

城鄭公之弟懷曰平王殺吾父服虔曰父曼

日成然立平王貪今我殺其子不亦可乎鄭

公止之然恐其弑昭王乃與王出奔隨正義曰括

地志云隨州城外古隨國城隨姬姓也又云楚昭王城在隨州縣北七里左傳云吳師入

郢王奔隨隨人處之公具王聞昭王往即進

擊隨謂隨人曰周之子孫封於江漢之間者

楚盡滅之欲殺昭王王從臣子綦乃深匿王

自以為王謂隨人曰以我予吳隨人卜予吳

不吉乃謝吳王曰昭王亡不在隨具請入自

索之隨不聽吳亦罷去昭王之出郢也使申

包胥服虔曰楚大夫王孫包胥請救於秦秦以車五百乘

救楚楚亦收餘散兵與秦擊吳十一年六月

敗吳於稷賈逵曰楚地也會吳王弟夫概見具王具

傷敗乃亡歸自立為王闔閭聞之引兵去楚

歸擊夫概夫概敗奔楚楚封之堂谿正義曰地理志

云堂谿故城在豫州鄆城縣西八十五里也號為堂谿氏楚昭王

滅唐杜預曰義陽安昌縣東南上唐鄉故城在隨州棗陽縣東南百五十里古之唐國也世本云唐姬姓之國九月歸入郢十

二年吳復伐楚取番正義曰片寒反又音婆括地志云饒州鄱陽縣

春秋時為楚東境秦為番縣屬九江郡漢為鄱陽縣也楚恐去郢北徙

都正義曰音若括地志云楚昭王故城在襄州樂鄉縣東北三十三里在故都城

東五里即楚國故城也昭王徙都郢城也十六年孔子相魯二十年

楚滅頓地理志曰汝南頓縣故頓子國○正義曰括地志云陳州南頓縣故頓子

國應助云古頓子國姬姓也滅胡杜預曰汝南縣西北

過於陳後南徙故曰南頓二十一年吳王闔

閭伐越越王勾踐射傷吳王遂死吳由此怨

越而不西伐楚二十七年春吳伐陳楚昭王

救之軍城父十月昭王病於軍中有赤雲如

鳥夾日而蜚杜預曰雲在楚上唯楚見之昭王問周太史

太史曰是害於楚王然可移於將相將相聞

是言乃請自以身禱於神昭王曰將相孤之
股肱也今移禍庸去是身乎弗聽卜而河為
崇大夫請禱河昭王曰自吾先王受封望不
過江漢服虔曰謂所受王命祀其國中山川
為望○正義曰按江荆州南大江也
漢江也二水楚境內也河黃河非楚境也而河非所獲罪也止不
許孔子在陳聞是言曰楚昭王通天道矣其
不失國宜哉昭王病甚乃召諸公子大夫曰
孤不佞再辱楚國之師今乃得以天壽終孤

之幸也讓其弟公子申為王不可又讓次第
公子結亦不可乃又讓次第公子閻五讓乃
後許為王將戰庚寅昭王卒於軍中子閻曰
王病甚舍其子讓羣臣臣所以許王以廣王
意也今君王卒臣豈敢忘君王之意乎乃與
子西子綦謀伏師閉塗徐廣曰一作壁○正
義曰左傳云謀潛師
閉塗按潛師密致性迎也閉壁防斷外寇也
為昭王薨於軍嗣子未定恐有隣國及諸公
子之變故伏師閉塗迎
越女之子章立為惠王迎越女之子章立之

服虔曰閉塗不通外使也越女昭王之妾○
索隱曰閉塗即贊塗也故下立惠王後即罷
兵歸葬服虔說非是為惠王然後罷兵歸葬昭王惠
王二年子西名故平王太子建之子勝於吳
以為巢大夫號曰白公徐廣曰伍子胥傳曰使勝守楚之邊邑鄢
鄢按服虔曰白邑名楚邑大夫皆稱公杜預曰汝陰褒信縣西南有白亭○正義曰巢今廬州居巢縣也括地志云白亭在豫州褒信東南三十二里褒信本漢鄢縣之地後漢分鄢置褒信縣在今襄信縣東七十七里白公好兵而下士欲報
仇六年白公請兵令尹子西伐鄭初白公父

建亡在鄭鄭殺之白公亡走吳子西復召之
故以此怨鄭欲伐之子西許而未為發兵八
年晉伐鄭鄭告急楚楚使子西救鄭受賂而
去白公勝怒乃遂與勇力死士石乞等襲殺
令尹子西子綦於朝因劫惠王置之高府賈逵曰高府府名也杜預曰楚別府欲弑之惠王從者屈固負王
亡走昭王夫人宮服虔曰昭王夫白公自立
為王月餘會葉公來救楚楚惠王之徒與共

攻白公殺之惠王乃復位是歲也徐廣曰惠王之十年

滅陳而縣之十三年吳王夫差彊陵齊晉來

伐楚十六年越滅吳正義曰表云越滅吳在元王四年四十

二年楚滅蔡正義曰周定王二十二年四十四年楚滅杞

正義曰周定王二十四年與秦平是時越已滅吳而不能

正江淮北正義曰正長也江淮北謂廣陵縣徐泗等州也楚東侵廣

地至泗上五十七年惠王卒子簡王中立正義

日中音仲反簡王元年北伐滅莒正義曰括地志云密州莒縣故

國也言北伐者莒在徐泗之北八年魏文侯韓武子趙桓子

始列為諸侯二十四年簡王卒子釐王正義曰謚

法云不主其國曰聲當立釐王六年盜殺釐王子悼王

熊疑立悼王二年三晉來伐楚至乘丘而還

徐廣曰年表三年歸榆關于鄭○正義曰年表云三晉公子伐我至乘丘謀也已解在年

表中地理志云乘丘故城在兗州瑕丘縣西北三十五里是也四年楚伐周

鄭殺子陽九年伐韓取負黍十一年三晉伐

楚敗我大梁榆關索隱曰此榆關當在大梁之西楚厚賂秦

與之平二十一年悼王卒子肅王滅立肅王

四年蜀伐楚取茲方正義曰古今地名云荆

茲方於是楚為扞關以距之李熊說公孫述

扞關之口○索隱曰郡國志曰巴郡魚復縣有打關十年魏取我魯陽

地理志云南陽有魯陽縣○正義曰括地志云汝州魯山本漢魯陽縣也古魯陽以古魯

山為名也十一年肅王卒無子立其弟熊良夫是

為宣王宣王六年周天子賀秦獻王秦始復

疆而三晉益大魏惠王齊威王尤疆三十年

秦封衛鞅於商南侵楚是年宣王卒子威王

熊商立威王六年周顯王致文武胙於秦惠

王七年齊孟嘗君父田嬰欺趙趙威王伐齊

敗之於徐州徐廣曰時楚已滅越而伐齊也齊說越令攻楚故云齊欺趙

而令齊必逐田嬰田嬰恐張丑偽謂楚王曰

王所以戰勝於徐州者田盼子不用也索隱曰盼

子嬰同族盼子者有功於國而百姓為之用嬰子

不善而用申紀申紀者大臣不附百姓不為

用故王勝之也。今王逐嬰子，嬰子逐盼子，必

用矣。復搏其士卒，以與王遇。索隱曰：搏音膊，亦有作附讀戰。

國策必不便於王矣。楚王因弗逐也。十一年

威王卒，子懷王熊槐立。魏聞楚喪，伐楚取我

陘山。正義曰：括地志云：陘山在鄭州新鄭縣西南三十里。懷王元年，張

儀始相秦，惠王四年，秦惠王初稱王。六年，楚

使柱國昭陽將兵而攻魏，破之於襄陵，得八

邑。索隱曰：襄陵縣名，在河東。又移兵而攻齊。

齊王患之。徐廣曰：懷王六年，昭陽和陳軫適為

秦使齊。齊王曰：為之奈何？陳軫曰：王勿憂，請

令罷之。即往見昭陽軍中，曰：願聞楚國之法。

破軍殺將者，何以貴之？昭陽曰：其官為上柱

國，封上爵，執珪。陳軫曰：其有貴於此者乎？昭

陽曰：令尹陳軫。曰：今君已為令尹矣，此國冠

之上。索隱曰：冠音貫，令尹尹中最尊。故以國為言，猶如卿子冠軍然。臣請得

譬之。人有遺其舍人一卮酒者，舍人相謂曰：

數人飲此不足以徧請遂畫地為蛇蛇先成者獨飲之一人曰吾蛇先成舉酒而起曰吾能為之足及其為之足而後成人奪之酒而飲之曰蛇固無足今為之足是非蛇也今君相楚而攻魏破軍殺將功莫大焉冠之上不可以加矣索隱曰冠音官今又移兵而攻齊攻齊勝之官爵不加於此攻之不勝身死爵奪有豎於楚此為蛇為足之說也不若引兵而去以

德齊此持滿之術也昭陽曰善引兵而去燕韓君初稱王秦使張儀與楚齊魏相會盟齧

桑正義曰徐廣云在梁與彭城之間十一年蘇秦約從山東

六國共攻秦楚懷王為從長至函谷關秦出兵擊六國六國兵皆引而歸齊獨後三十年齊湣王伐敗魏軍秦亦伐敗韓與齊爭長十六年秦欲伐齊而楚與齊從親秦惠王患之乃宣言張儀免相使張儀南見楚王謂楚

王曰：敝邑之王，所甚說者，無先大王。雖儀之所甚願為門闌之廝者，亦無先大王。敝邑之王，所甚憎者，無先齊王。雖儀之所甚憎者，亦無先齊王。而大王和之。索隱曰：和謂楚與齊相和親。是以敝邑之王，不得事王，而令儀亦不得為門闌之廝也。王為儀閉關而絕齊，今使使者從儀西取故秦所分楚商於之地方六百里。商於在今順陽郡南鄉丹水二縣有商城，在於中故謂之商於。○索隱曰：地理志：丹水及商屬。

弘農今言順陽者是魏晉始分置順陽郡商城丹水俱隸之如是則齊弱

矣。是北弱齊，西德於秦，私商於以為富，此一計而三利俱至也。懷王大悅，乃置相璽於張儀，日與置酒。宣言：吾復得吾商於之地，羣臣皆賀。而陳軫獨吊。懷王曰：何故？陳軫對曰：秦之所為，重王者以王之有齊也。今地未可得而齊交先絕，是楚孤也。夫秦又何重孤國哉？必輕楚矣。且先出地而後絕齊，則秦計不為

先絕齊而後責地則必見欺於張儀見欺於張儀則王必怨之怨之是西起秦患北絕齊交西起秦患北絕齊交則兩國之兵必至索隱曰兩國臣故吊楚王弗聽因使一將軍西受謂韓魏封地張儀至秦詳醉隆車稱病不出三月地不可得楚王曰儀以吾絕齊為尚薄邪乃使勇士宋遺北辱齊王齊王大怒折楚符而合於秦秦齊交合張儀乃起朝謂楚將軍曰子

何不受地從某至某廣袤六里楚將軍曰臣之眇以見命者六百里不聞六里即以歸報懷王懷王大怒興師將伐秦陳軫又曰伐秦非計也不如因賂之一名都與之伐齊是我亡於秦索隱曰謂失商於之地取償於齊也吾國尚可全今王已絕於齊而責欺於秦是吾合秦齊之交而來天下之兵也國必大傷矣楚王不聽遂絕和於秦發兵西攻秦秦亦發兵擊之

十七年春與秦戰丹陽索隱曰此丹陽在漢中秦大敗

我軍斬甲士八萬虜我大將軍屈匄裨將軍

逢侯丑等七十餘人遂取漢中之郡楚懷王

大怒乃悉國兵復襲秦戰於藍田正義曰藍田在雍州

東南八十里從藍田關入藍田縣大敗楚軍韓魏聞楚之困

乃南襲楚至於鄧楚聞乃引兵歸十八年秦

使使約復與楚親分漢中之半以和楚楚王

曰願得張儀不願得地張儀聞之請之楚秦

王曰楚且甘心於子奈何張儀曰臣善其左

右靳尚靳尚又能得事於楚王幸姬鄭袖袖

所言無不從者且儀以前使負楚以商於之

約今秦楚大戰有惡臣非面自謝楚不解且

大王在楚不宜敢取儀誠殺儀以便國臣之

願也儀遂使楚至懷王不見因而囚張儀欲

殺之儀私於靳尚靳尚為請懷王曰拘張儀

秦王必怒天下見楚無秦必輕王矣又謂夫

人鄭袖曰秦王甚愛張儀而王欲殺之今將
以上庸之地六縣賂楚以美人聘楚王以宮
中善歌者為之媵楚王重地秦女必貴而夫
人必斥矣夫人不畧言而出之鄭袖卒言張
儀於王而出之儀出懷王因善遇儀儀因說
楚王以叛從約而與秦合親約婚姻張儀已
去屈原使從齊來諫王曰何不誅張儀懷王
悔使人追儀弗及是歲秦惠王卒二十年齊

潘王欲為從長

索隱曰俗本或作二十六年
按下文始言二十四年又更

有二十六年則此云二十六年衍字也當是
二十年事又徐廣推校二十年取武遂二十
五年歸武遂則此二十年惡楚之與秦合乃使

使遺楚王書曰寡人患楚之不察於尊名也

今秦惠王死武王立張儀走魏擣里疾公孫
衍用而楚事秦夫擣里疾善乎韓而公孫衍
善乎魏楚必事秦韓魏恐必因二人求合於
秦則燕趙亦宜事秦四國爭事秦則楚為郡

縣矣。王何不與寡人并力，收韓魏燕趙，與為從，而尊周室，以塞兵息民。今於天下，莫敢不樂聽，則王名成矣。王率諸侯，並伐破秦，必矣。王取武關、蜀、漢之地。正義曰：武關在商州東，蜀、巴、蜀，漢中郡。私吳越之富，而擅江海之利。韓魏割上黨，西薄函谷，則楚之疆百萬也。且王欺於張儀，亡地漢中，兵銜蓋田，天下莫不代王懷怒。今乃欲先事秦，願大王孰計之。楚王業已

欲和於秦，見齊王書，猶豫不決。下其議，羣臣或言和秦，或曰聽齊。昭睢曰。索隱曰：睢音七，余反。王雖東取地於越，不足以刷恥，必且取地於秦，而後足以刷恥於諸侯。王不如深善齊，韓以重擣里疾。如是則王得韓齊之重，以求地矣。秦破韓，宜陽。索隱曰：弘農之縣，在澠池西南。而韓猶復事秦者，以先王墓在平陽。索隱曰：非堯都。而秦之武遂去之七十里。索隱曰：亦非河間國之縣，則韓之平陽，秦之武遂，並當在宜陽。

右左以故尤畏秦不然秦攻三川正義曰趙攻

上黨楚攻河外韓必亡楚之救韓不能使韓

不亡然存韓者楚也韓已得武遂於秦以河

山為塞正義曰河蒲河西境所報德莫如楚厚

臣以為其事王必疾齊之所信於韓者以韓

公子昧正義曰莫葛反後同為齊相也韓已得武遂於

秦王甚善之使之以齊韓重樗里疾疾得齊

韓之重其主弗敢棄疾也今又益之以楚之

重樗里子必言秦復與楚之侵地矣於是懷

王許之竟不合秦而合齊以善韓徐廣曰懷

二年秦拔宜陽取武遂二十三年秦復歸韓武遂然則已非二十年事矣二十四

年倍齊而合秦秦昭王初立乃厚賂於楚楚

往迎婦二十五年懷王入與秦昭王盟約於

黃棘秦復與楚上庸二十六年齊韓魏為楚

負其從親而合於秦三國共伐楚楚使太子

入質於秦而請救秦乃遣客卿通將兵救楚

三國引兵去二十七年秦大夫有私與楚太子鬪楚太子殺之而亡歸二十八年秦乃與齊韓魏共攻楚殺楚將唐昧取我重丘而去二十九年秦復攻楚大破楚楚軍死者二萬殺我將軍景欽懷王恐乃使太子為質於齊以求平三十年秦復伐楚取八城秦昭王遺楚王書曰始寡人與王約為弟兄盟于黃棘太子為質至驩也太子陵殺寡人之重臣不

謝而亡去寡人誠不勝怒使兵侵君王之邊

今聞君王乃令太子質於齊以求平寡人與

楚接境壤界故為婚姻正義曰婚又為姻婦又為婚相謂曰婚姻

兩婿相謂曰姪所從相親久矣而今秦楚不驩則無

以令諸侯寡人願與君王會武關面相約結

盟而去寡人之願也敢以聞下執事楚懷王

見秦王書患之欲往恐見欺無往恐秦怒昭

睢曰王母行而發兵自守耳秦虎狼不可信

有并諸侯之心。懷王子子蘭勸王行曰：奈何絕秦之驩心？於是往會秦昭王。昭王詐令一將軍伏兵武關，號為秦王。楚王至，則閉武關，遂與西至咸陽。索隱曰：右扶風渭城縣故咸陽城也。朝章臺如蕃臣，不與亢禮。楚懷王大怒，悔不用昭子言。秦因留楚王，要以割巫黔中之郡。楚王欲盟，秦欲先得地。楚王怒曰：秦詐我而又彊要我，以地不復許秦。秦因留之。楚大臣患之，乃相

與謀曰：吾王在秦，不得還，要以割地。而太子為質於齊，齊秦合謀，則楚無國矣。乃欲立懷王子在國者。昭睢曰：王與太子俱困於諸侯，而今又倍王命而立其庶子，不宜。乃詐赴於齊。齊齊湣王謂其相曰：不若留太子，以求楚之淮北。相曰：不可。郢中立王，是吾抱空質而行，不義於天下。或曰：不然。郢中立王，因與其新王市曰：予我下東國，吾為王殺太子。不然

將與三國共立之。然則東國必可得矣。齊王
卒，用其相計而歸楚太子。太子橫至，立為王。
是為頃襄王。乃告于秦曰：「賴社稷神靈國有
王矣。」頃襄王橫元年，秦要懷王，不可得地。楚
立王以應秦。秦昭王怒，發兵出武關攻楚。太
敗楚軍，斬首五萬，取析十五城而去。徐廣曰：年表云取十六城，既取析，又并取左右十五城也。騶乘地理志：弘農有析縣。正義曰：括地志云：鄧州內鄉縣城，本楚析邑。一二年楚懷王亡名丑。漢置析縣，因析水為名。

逃歸秦，覺之，遮楚道。懷王恐，乃從間道走趙，
以求歸。趙主父在代，索隱曰：主字亦作王。其子惠王初
立，行王事，恐不敢入楚。王楚王欲走魏，秦追
至，遂與秦使復之。秦懷王遂發病，頃襄王三
年，懷王卒于秦。秦歸其喪於楚，楚人皆憐之。
如悲親戚，諸侯由是不直秦。秦楚絕。六年，秦
使白起伐韓於伊闕。正義曰：括地志云：伊闕山在洛州南十九里也。
大勝，斬首二十四萬。秦乃遺楚王書曰：「楚倍

秦秦且率諸侯伐楚爭一旦之命願王之飭士卒得一樂戰楚項襄王患之乃謀復與秦平七年楚迎婦於秦秦楚復平十一年齊秦各自稱為帝月餘復師歸帝為王十四年楚項襄王與秦昭王好會于宛結和親十五年楚昭王好會於鄢其秋復與秦王會穰十八年楚人有好以弱弓微繳加歸鴈之上者項襄

王聞名而問之對曰小臣之好射騏鴈羅鷺

徐廣曰呂靜曰鷺野鳥也○索隱曰騏音其小鴈也鄢楚鷺音廬動反劉氏音龍是小鳥名

小矢之發也何足為大王道也且稱楚之

大因大王之賢所弋非直此也昔者三王以

弋道德五霸以弋戰國故秦魏燕趙者騏鴈

也齊魯韓衛者青首也索隱曰小鳥有青首者鄒費邾

邳者羅鷺也索隱曰外其餘則不足射者見

鳥六雙以王何取索隱曰以喻下文秦趙王等十二國故云六雙

何不下以聖人為弓，以勇士為繳，時張而射之。此六雙者，可得而囊載也。其樂非特朝夕之樂也。索隱曰：夕，猶昔也。其獲非特鳧鴈之實也。王朝張弓而射魏之大梁之南，加其右臂而徑屬之於韓，則中國之路絕而上蔡之郡壞矣。還射圍之東。索隱曰：還音惠，逸也。射音石。○正義曰：圍音語，城在汴州雍丘縣東。言王朝張弓射魏大梁汴州之南，即加大梁之右臂連韓鄭，則河北中國之路向東南斷絕。則韓上蔡之郡自破壞矣。復還射雍丘圍城之東，便解嚴魏左肘。宋州而外擊曹定陶。

及魏東之外解蔡則解魏左肘
宋方與兩郡並舉
解魏左肘索隱曰：解而

外擊定陶則魏之東外棄而大宋方與二郡

者舉矣且魏斷二臂顛越矣膺擊鄰國大梁

可得而有也王綰繳蘭臺徐廣曰：綰，蔡也。音爭。蘭一作簡。○正

義曰：鄭玄云：綰，屈也。江沔之間謂之蔡。收繩索，綰也。按繳，絲繩繫弋射鳥也。若膺擊，刺國

大梁已了，乃收弋。戈繳於蘭臺，相山之別名也。飲馬西河定魏大梁

此一發之樂也若王之於弋誠好而不厭則

出寶弓啓新繳徐廣曰：以石傳弋繳曰啓。啓音播。○索隱曰：啓作磻音播。

傳音射噶鳥於東海還蓋長城以為防徐廣曰蜀

一作獨還音宦蓋一作益益縣在樂安蓋縣在泰山濟北盧縣有長城東至海也○索隱

曰蜀音畫謂大鳥之有鉤喙者以比齊也還音患謂遠也蓋者覆也言射者還遠蓋覆使

無飛走之路因以長城為防也徐以蓋為益縣非也地理志云長城在濟南也○正義曰

太山郡記云太山西北有長城緣河徑太山千餘里至瑯琊臺入海齊記云齊宣王乘山

嶺之上築長城東至海西北起濟州千餘里以備楚括地志云長城西北起濟州平陰縣緣

河歷太山北嶺上經濟州淄州即西南兗州博城縣北東至密州瑯琊臺入海前代記云

齊有長城巨防足以為塞也朝射東莒正義曰括地志云密州莒縣故莒子

國地理志云周武王封少昊之後嬴姓於莒始都計斤春秋時徙居莒也夕發洎

丘徐廣曰在清河○正義曰括地志云洎丘丘名也在青州臨淄縣西北二十五里也

夜加即墨顧據午道索隱曰顧反也午道當在齊西界一從一橫為

午道蓋亦未詳其處○正義曰劉伯則長城莊云齊西界按蓋在博州之西境也

之東收正義曰言從齊州長城東至海太山之北黃河之南盡舉收於楚

太山之北舉矣西結境於趙正義曰言得齊地約結於趙為

境界定而北達於燕索隱曰北一作社杜者從約也

取燕不難也○正義曰北達言四通三國布無所滯礙也言燕無山河之限也

羝徐廣曰音翅一作屬○索隱曰羝式豉反則從不待約

而可成也北遊目於燕之遼東而南登望於

越之會誓此再發之樂也若夫泗上十二諸

侯左縈而右拂之可一旦而盡也今秦破韓

以為長憂得列城而不敢守也伐魏而無功

擊趙顧病索隱曰顧猶反也則秦魏之勇力屈矣楚

之故地漢中析酈可得而復有也王出寶弓

啓新繳涉酈塞徐廣曰或以為冥今江夏一作

郟城在陝州河北縣東十里虞邑也杜預云河東太陽有郟城是也徐言江夏亦誤也

而待秦之倦也山東河內正義曰謂華山之

可得而一也勞民休衆南面稱王矣故曰秦

為大鳥負海內而處東面而立左臂據趙之

西南右臂傳楚鄢郢膺擊韓魏索隱曰韓魏

云膺擊俗本作膺非垂頭中國索隱曰垂頭猶申處既

形便勢有地利奮翼鼓羝方三千里則秦未

可得獨招而夜射也欲以激怒襄王故對以

此言襄王因名與語遂言曰夫先王為秦所
欺而客死於外怨莫大焉今以匹夫有怨尚
有報萬乘白公子胥是也今楚之地方五千
里帶甲百萬猶足以踴躍中野也而坐受困
臣竊為大王弗取也於是頃襄王遣使於諸
侯復為從欲以伐秦秦聞之發兵來伐楚楚
欲與齊韓連和伐秦因欲圖周周王赧使武
公徐廣曰定王之曾孫而西周惠公之子謂楚相昭子曰三國

以兵割周郊地以便輸而南器以尊楚臣以
為不然夫弑共主臣世君索隱曰共主世君俱是周自謂也共
主言周為天下共所宗主也世君言周室代代君於天下大國不親以衆
脅寡小國不附大國不親小國不附不可以
致名實名實不得不足以傷民夫有圖周之
聲非所以為誦也昭子曰乃圖周則無之雖
然周何故不可圖也對曰軍不五不攻城不
十不圍夫一周為二十正義曰言周王之國其地雖小諸侯

尊之故敵也公之所知也韓嘗以二十萬之衆

辱於晉之城下銳士死中士傷而晉不拔公

之無百韓以圖周此天下之所知也夫結怨

於兩周以塞鄒魯之心索隱曰鄒魯有禮義之國今楚欲結怨兩

周而奪九鼎是交絕於齊正義曰齊本與齊

故齊交絕於楚聲失天下其為事危矣夫危

兩周以厚三川正義曰三川兩周之地方城

之外正義曰方城之外許州葉縣東北也言楚取兩周則韓疆必弱楚方城之外也

必為韓弱矣何以知其然也西周之地絕長

補短不過百里名為天下共主裂其地不足

以肥國得其衆不足以勁兵雖無攻之名為

弑君然而好事之君喜攻之臣發彌用兵未

嘗不以周為終始是何也見祭器在焉欲器

之至而忘弑君之亂今韓以器之在楚臣恐

天下以器讎楚也臣請譬之夫虎肉臊其兵

利身索隱曰謂虎以爪牙為人猶攻之也若

使澤中之麋蒙虎之皮人之攻之必萬之於

虎索隱曰攻易而利大也正義曰野澤之麋蒙衣虎皮人之攻取必萬倍於虎也譬

楚伐周收祭器其猶麋蒙虎皮矣裂楚之地足以肥國詘楚

之名足以尊主今子將以欲誅殘天下之共

主居三代之傳器索隱曰謂九鼎也吞三翮六翼以

高世主索隱曰翮亦作翮同音歷三翮六翼亦謂九鼎空足曰翮六翼即六耳翼

近耳旁事具小爾雅非貪而何周書曰欲起無先故器

南則兵至矣於是楚計輟不行十九年秦伐

楚楚軍敗割上庸漢北地予秦正義曰謂割房金均三州

及漢水之北與秦二十年秦將白起拔我西陵徐廣曰屬

江夏正義曰括地志云西陵故城在黃州黃山西二里二十一年秦將

白起遂拔我郢燒先王墓夷陵徐廣曰年表云拔郢燒夷

陵索隱曰夷陵陵名後為縣屬南郡正義曰括地志云峽州夷陵縣是也在荊州西

應劭云夷山在西北楚襄王兵散遂不復戰東北保於

陳城二十二年秦復拔我巫黔中郡二十三

年襄王乃收東地兵得十餘萬復西取秦所

拔我江旁十五邑以為郡距秦二十七年使
三萬人助三晉伐燕復與秦平而入太子為
質於秦楚使左徒侍太子於秦三十六年頃
襄王病太子亡歸秋頃襄王卒太子熊元代
立索隱曰系本作完是為考烈王考烈王以左徒為
令尹封以吳蘇春申君考烈王元年納州于
秦以平徐廣曰南郡有州陵縣是時楚益弱六年秦圍
邯鄲趙告急楚楚遣將軍晏陽救趙七年至

新中

索隱曰趙地無其名字誤鉅鹿有新市中當為市也○正義曰新中相州安陽

縣也七國時魏寧新中邑秦兵去徐廣曰年表云六年

春申君救趙十二年秦昭王卒楚王使春

申君吊祠于秦十六年秦莊襄王卒秦王趙

政立二十二年與諸侯共伐秦不利而去楚

東徙都壽春正義曰壽春在南壽州壽春縣是也命曰郢二十

五年考烈王卒子幽王悼立李園殺春申君

幽王三年秦魏伐楚秦相呂不韋卒九年秦

滅韓十年幽王卒同母弟猶代立是為哀王
哀王立二月餘哀王庶兄負芻之徒襲殺哀
王而立負芻為王是歲秦虜趙王遷王負芻
元年燕太子丹使荆軻刺秦王二年秦使將
軍伐楚大破楚軍亡十餘城三年秦滅魏四
年秦將王翦破楚軍於蘄索隱曰機而殺將
軍項燕五年秦將王翦蒙武遂破楚國虜楚
王負芻滅楚名為楚郡云孫檢曰秦虜楚王
負芻滅去楚名以

楚地為三郡○索隱曰裴注頗引
孫檢不知其人本末蓋齊人也

太史公曰楚靈王方會諸侯於申誅齊慶封
作章華臺求周九鼎之時志小天下及餓死
于申友之家為天下笑操行之不得悲夫勢
之於人也可不慎與棄疾以亂立嬖淫秦女
甚乎哉幾再亡國索隱曰
幾音祁

索隱述贊曰

鬻熊之嗣 周封於楚 僻在荆蠻

畢路藍縷 又通而霸 僭號曰武

文既代申 成亦赦許 子圍篡嫡

商臣殺父 天禍未悔 憑姦自怙

昭困奔亡 懷迫囚虜 頃襄考烈

祚喪南土 天下笑難計之不計悲夫

楚世家第十 史記四十一

楚世家第十 史記四十一

越王勾踐世家第十一 史記四十一

越王勾踐其先禹之苗裔正義曰吳越春秋云禹周行天下還

歸大越登茅山以朝四方羣臣封有功爵有德崩而葬焉至少康恐禹迹宗廟祭祀之絕

乃封其庶子於越號曰無餘賀循會稽記云少康其少子曰於越越國之稱始此越絕記

云無餘都會稽山而夏后帝少康之庶子也南故越越是也

封於會稽以奉守禹之祀文身斷髮披草菜

而邑焉後二十餘世至於允常正義曰輿地志云越侯傳

國三十餘葉歷殷至周敬王時有越侯夫譚子曰允常拓土始大稱王春秋畏為子

於越杜注云允常之時與吳王闔廬戰而相

怨伐允常卒子勾踐立是為越王元年吳王

闔廬聞允常死乃興師伐越越王勾踐使死

士挑戰三行至吳陳呼而自剄吳師觀之越

因襲擊吳師吳師敗於攜李杜預曰吳郡嘉

城○索隱曰事在左射傷吳王闔廬闔廬且

死告其子夫差曰必毋忘越三年勾踐聞吳

王夫差日夜勒兵且以報越越欲先吳未發

往伐之范蠡諫曰不可臣聞兵者凶器也戰

者逆德也爭者事之末也陰謀逆德好用凶

器試身於所末上帝禁之行者不利越王曰

吾已決之矣遂興師吳王聞之悉發精兵擊

越敗之夫椒杜預曰夫椒在吳郡吳縣太湖

椒音焦本又作湫音酒小反賈逵云地名國

語云敗之五湖則杜預云在椒山為非事具

元哀公越王乃以餘兵五千人保棲於會稽杜

曰上會稽山也○索隱曰鄒誕云保山曰棲

猶鳥棲於木以避害也故六韜曰軍處山之

高者則曰梅。吳王追而圍之。越王謂范蠡曰。正義曰。會

稽與錄云。范蠡字少伯。越之上將軍也。本是楚宛三戶人。佯狂。侗儻負俗。文種為宛令。遣

吏謁。奉吏還曰。范蠡本國狂人。生有此病。種笑曰。吾聞士有賢俊之姿。必有佯狂之譏。內

懷獨見之明。外有不知之毀。此固非二三子之所知也。駕車而往。蠡避之。後知種之必來

謁。謂兄嫂曰。今日有客。願假衣冠。有頃。種至。抵掌而談。旁人觀者。聳聽之矣。以不

聽子故至於此為之奈何。蠡對曰。持滿者與

天。韋昭曰。與天法天也。天道盈而不溢。○索

隱曰。與天。天與也。言持滿不溢。與天同道。故天定傾者與人。○索隱曰。人道尚謙。早以自

之功。故節事者以地。韋昭曰。時不至不可彊

人與之。○索隱曰。國語以作與。此以亦與義也。言地能財

成萬物。人主宜節用以法地。故地與之。韋昭

等解。早辭厚禮以遺之。不許而身與之市。○索

隱曰。市利也。謂委管籥屬國家。以身隨之。○正

義曰。甲作言辭。厚遺珍寶。不許平。越王身往

事之。如市賈貨易。以勾踐曰。諾乃令大夫種

利。此是定傾危之計。行成於吳。○索隱曰。大夫官種名也。一云大夫

也。求和於吳也。○正義曰。吳越春秋云。大夫種姓。又名種字子禽。荆平王時為宛令。之三

之所吠者人，今吾到此，有聖人之氣行而求之，來至於此，且人身而犬吠者，謂我是人也。乃下車拜，膝行頓首曰：君王亡，臣勾踐使陪。

臣種敢告下執事，勾踐請為臣妻，為妾吳王。

將許之，子胥言於吳王曰：天以越賜吳，勿許也。種還以報勾踐，勾踐欲殺妻子，燔寶器，觸

戰以死。種止勾踐曰：夫吳太宰嚭貪，可誘以

利，請間行言之。索隱曰：間音紀，閑反。間行猶微行。於是勾踐

乃以美女寶器，令種間獻吳。太宰嚭索隱曰：國語云

越飾美女二人，使大夫種遺太宰嚭。嚭受，乃見大夫種於吳王。

種頓首言曰：願大王赦勾踐之罪，盡入其寶

器，不幸不赦，勾踐將盡殺其妻子，燔其寶器，

悉五千人觸戰，必有當也。索隱曰：言悉五千人觸戰，或有能當

具兵者，故國語作耦，耦亦相當對之名。又下云無乃傷君王之所愛乎，是有當則傷也。

嚭因說吳王曰：越以服為臣，若將赦之，此國

之利也。吳王將許之，子胥進諫曰：今不滅越

後，必悔之。勾踐賢君，種蠡良臣，若及國將為

四

亂吳王弗聽卒赦越罷兵而歸勾踐之困會稽也喟然嘆曰吾終於此乎種曰湯繫夏臺文王囚姜里晉重耳犇翟齊小白犇晉其幸王霸由是觀之何遽不為福乎吳既赦越越王勾踐及國乃苦身焦思置膽於坐坐卧即仰膽飲食亦嘗膽也曰女忘會稽之恥邪身自耕作夫人自織食不加肉衣不重采折節下賢人厚遇賓客振貧弔死徐廣曰弔一作葬與百

姓同其勞欲使范蠡治國政蠡對曰兵甲之事種不如蠡鎮撫國家親附百姓蠡不如種於是舉國政屬大夫種而使范蠡與大夫柘稽行成為質於吳索隱曰越大夫也二歲而吳歸蠡勾踐自會稽歸七年拊循其士民欲用以報吳大夫逢同諫曰索隱曰逢姓同名故楚有逢伯是也國新流亡今乃復殷給繕飾備利吳必懼懼則難必至且鷲鳥之擊也必匿其形今夫吳

兵加齊晉怨深於楚越名高天下實害周室
德少而功多必淫自矜為越計莫若結齊親
楚附晉以厚具具之志廣必輕戰是我連其
權三國伐之越承其弊可克也勾踐曰善居
二年具王將伐齊子胥諫曰未可臣聞勾踐
食不重味與百姓同苦樂此人不死必為國
患吳有越腹心之疾齊與吳疥癢也索隱曰疥癢音
介願王釋齊先越具王弗聽遂伐齊敗之艾

陵

索隱曰在魯
哀十一年

虜齊高國以歸

索隱曰國惠
子高弟子

讓子胥子胥曰王母喜王怒子胥欲自殺王
聞而止之越大夫種曰臣觀具王政驕矣請
試嘗之餼粟以卜其事請饋具王欲與子胥
諫勿與王遂與之越乃私喜子胥言曰王不
聽諫後三年吳其墟乎上太宰嚭聞之乃數與
子胥爭越議因讒子胥曰伍員貌忠而實忍
人其父兄不顧安能顧王王前欲伐齊員彊

諫已而有功用是及怨王王不備伍真真必
為亂與逢同共謀讒之王王始不從乃使子
胥於齊聞其託子於鮑氏王乃大怒曰伍真
果欺寡人欲反使入賜子胥屬鏃劍以自殺
子胥大笑曰我令而父霸索隱曰而汝我父闔廬也我又
立若索隱曰若亦汝也若初欲分吳國半予我我不
受已今若反以讒誅我嗟乎嗟乎一人固不
能獨立報使者曰必取吾眼置吳東門以觀

越兵入也

索隱曰國語云吳王愠曰孤不使大夫得見乃盛以鴟夷投之于江

也於是吳任嚭政居三年勾踐名范蠡曰吳

已殺子胥導諛者衆可乎對曰未可至明年

春具王北會諸侯於黃池

索隱曰在吳國精

兵從王惟獨老弱與太子留守

索隱曰按春秋左氏傳太

子名勾踐復問范蠡蠡曰可矣乃發習流二

千索隱曰虞書云流宥五刑按流放之罪人使之習戰任為卒伍有二千人也○正義

日謂先慣習流利戰教士四萬人索隱曰謂陣死者二千人也

兵也。故孔子曰：「以不君子六千人。」韋昭曰：君教民戰是謂弁之也。近有志行者，猶具所謂賢良，齊所謂士也。翻曰：言君養之如子。○索隱曰：君子謂君所子，養有恩惠者。又按左氏：楚沈尹戌師都君，子以濟師，杜預曰：都君子，諸都邑之士，有復除者，國語云：王以私諸御千人伐吳。索隱曰：卒君子六千人也。諸御千人伐吳。諸御謂諸理事之官在軍有職掌者。吳師敗，遂殺吳太子。吳告急於王，王方會諸侯于黃池，懼天下聞之，乃秘之。吳王已盟黃池，乃使入厚禮以請成。越越自度亦未能滅吳，乃與吳平。其後四年，越復

伐吳，吳士民罷弊，輕銳盡死於齊晉，而越大破吳，因而留圍之。三年，吳師敗，越遂復棲吳王於姑蘇之山。吳王使公孫雄真翻曰：吳大夫。肉袒膝行而前，請成。越王曰：「孤臣夫差敢布腹心，異日嘗得罪於會稽，夫差不敢逆命，得與君王成以歸。今君王舉玉趾而誅孤臣，孤臣惟命是聽。意者亦欲如會稽之赦孤臣之罪乎？勾踐不忍欲許之。」范蠡曰：「會稽之事，天以越

賜吳吳不取今天以吳賜越越其可逆天乎
且夫君王蚤朝晏罷非為吳邪謀之二十二
年一旦而棄之可乎且夫天與弗取反受其
咎伐柯者其則不遠君忘會稽之厄乎勾踐
曰吾欲聽子言吾不忍其使者范蠡乃鼓進
兵曰王已屬政於執事虞翻曰執事使者去
不者且得罪虞翻曰我為子得罪○索隱曰
文謂使者宜速去不去且得罪於越義亦通吳使者泣而去勾踐

憐之乃使人謂吳三曰吾置王甬東君百家

杜預曰甬東會稽勾章縣東海中州也吳王

謝曰吾老矣不能事君王遂自殺乃蔽其面

正義曰今之面衣是其遺象也越絕云吳王

曰聞命矣以三寸帛幘吾兩目使死者有知

吾慙見伍子胥公孫聖以為無知吾恥生者

越王則解綬以幘其目遂伏劍而死幘音覓

顧野王云曰吾無面以見子胥也越王乃葬
吳王而誅太宰嚭勾踐已平吳乃以兵北渡
淮與齊晉諸侯會於徐州致貢於周周元王

使人賜勾踐胙命為伯勾踐已去渡淮南以

淮土地與楚楚世家曰越滅吳而不能正歸

吳所侵宋地於宋與魯泗東方百里當是時

越兵橫行於江淮東諸侯畢賀號稱霸王索隱

曰越在蠻夷少康之後地遠國小春秋之初未通上國國史既微略無世系故紀年稱為

於粵子據此文勾踐平吳之後周元王始命為伯後遂僭而稱王也范蠡遂去

自齊遺大夫種書曰蜚鳥盡良弓藏狡兔死

走狗烹徐廣曰狡一作郊越王為入長頸鳥喙可與

共患難不可與共樂子何不去種見書稱病

不朝人或讒種且作亂越王乃賜種劍曰子

教寡人伐吳七術正義曰越絕云九術一曰尊天事鬼二曰重財幣以

遺其君三日遺敵粟藁以空其邦四曰遺之好美以榮其志五曰遺之巧匠使起宮室高

臺以盡其財以疲其力六曰貴其諛臣使之易伐七曰強其諫臣使之自殺八曰邦家富

而備器利九曰堅甲利兵以承其寡人用其三而敗吳其四

在子子為我從先王試之種遂自殺勾踐卒

索隱曰紀年云晉出公十年十子王鼫與立一月於粵子勾踐卒是為葵執

索隱曰：龜音石，與音餘。按紀年云：於粵子勾踐卒，次鹿郢。立六年卒。樂資云：越語謂鹿郢

為龜也。王龜與卒子王不壽立，王不壽卒。日索隱

年云：不壽立十年見殺。子王翁立，王翁卒。索隱

是為盲姑次朱勾立。日：紀年於粵子朱勾三十四年滅滕。子王翳

立，王翳卒。子王之侯立。索隱曰：紀年云：翳三

六年七月太子諸咎弑其君翳，十月粵殺諸咎。粵滑長人立，爭錯枝為君。明年大夫寺區

定粵亂，立初無余之十二年，寺區弟思弑其君。莽安次無顯立，無顯八年薨。是為莫蠲卯

故。莊子云：越人二弑其君子，搜患之逃乎丹穴，不肯出。越人薰之以艾，乘以王與樂資云。

號曰無顯，蓋無顯後乃次無。王之侯卒，子王

無疆立。索隱曰：蓋無顯之弟也，音其良反。王無疆時，越興師

北伐齊，西伐楚，與中國爭疆。當楚威王之時

越北伐齊，齊威王使人說越王曰：越不伐楚

大不王，小不伯。圖越之所為，不伐楚者為不

得晉也。韓魏固不攻楚，韓之攻楚，覆其軍，殺

其將，則葉陽翟危。正義曰：葉式涉反，今許州葉縣，陽翟縣也。二

邑，此時屬韓與楚，犬牙交境。魏亦覆其軍，殺韓若伐楚，恐二邑為楚所危。魏亦覆其軍，殺

其將則陳上蔡不安正義曰陳今陳州也上蔡今豫州上蔡邑縣也

二邑此時屬魏與楚犬牙交境魏若伐楚恐二國為楚所危也故二晉之事

越也正義曰言韓魏與楚隣今令越合於二晉而伐楚不至於覆軍

殺將焉許之力不效徐廣曰效猶見也於得晉

者何也正義曰從不至已下此是齊使者重難越王越王曰所求

於晉者不至頓刃接兵而况于攻城圍邑乎

正義曰頓刃築營壘也接兵戰也越王言韓魏之事越猶不至頓刃接兵而况更有攻城

圍邑韓魏始服乎言願魏以聚大梁之下願

齊之試兵南陽莒地以聚常郊之境索隱曰南陽在

齊之西界莒之西也常邑名蓋田文所封之邑郊故郊國二邑皆齊之南地則方

城之外不南正義曰方城山在許州葉縣西南十八里外謂許州豫州等

魏兵在大梁之下楚方淮泗之間不東商於

折酈宋胡之地徐廣曰胡國今之汝陰○索隱曰四邑並屬南陽楚之西

南是也宋胡作宗胡宗胡邑名胡姓之宗因以名邑杜預云汝陰縣北有故胡城是也○

正義曰酈音攤括地志云商洛縣則古商國別也荆州圖副云鄧州內鄉縣東七里於村

即於中地也括地志又云鄧州內鄉縣楚邑也故酈在鄧州新城縣西北三十里按商

於折攤在商鄧夏路以左徐廣曰蓋謂江夏

二州界縣邑也夏路以左之夏○索隱曰徐

氏以為江夏非也劉氏云楚適諸夏路出方

城入向北行以西為左故云夏路以左其意

為得也○正義曰括地志云故長城在鄧州

內鄧縣東七十五里南入穰縣北連翼望山

無土之處累石為楚固襄王控霸南楚爭強

中國多築列城於北方以遏華夏號為方城

按此說劉氏為得云邑徒衆少不足以備秦

不足備秦曉武二關之道也

江南泗上不足以待越矣正義曰江南洪

東境也泗上徐州春秋時楚北境則齊秦韓

也二境並與越隣言不足當代越

魏得志於楚也是二晉不戰而分地不耕而

獲之不此之為而頓刃於河山之間以為齊

秦用所待者如此其失計奈何其以此王也

齊使者曰幸也越之不亡也吾不貴其用智

徐廣曰蓋謂江夏

之夏○索隱曰徐

氏以為江夏非也

劉氏云楚適諸夏路出方

城入向北行以西為左故云夏路以左其意

為得也

○正義曰括地志云故長城在鄧州

內鄧縣東七十五里南入穰縣北連翼望山

無土之處累石為楚固襄王控霸南楚爭強

中國多築列城於北方以遏華夏號為方城

按此說劉氏為得云邑徒衆少不足以備秦

不足備秦曉武二關之道也

江南泗上徐州春秋時楚北境

則齊秦韓

也二境並與越隣言不足當代越

魏得志於楚也是二晉不戰而分地不耕而

獲之不此之為而頓刃於河山之間以為齊

於晉越王曰奈何曰楚三大夫張九軍北圍

曲沃徐廣曰一作北面曲沃○正義曰括地志云曲沃故城在陝縣西三十二里於

中在鄧州內鄧縣東七里爾時曲沃屬魏於中屬秦二地相近故楚圍之於中以

至無徐廣曰無一作西假之關者三千七百里正義曰按

無假之關當在江南長沙之西北也言從曲沃於中西至漢中邑丑黔中千餘里不備秦

也魯景翠之軍北聚魯齊南陽正義曰魯兗州也齊密州莒縣

邑南至泗上也南陽鄧州也時屬韓也言楚又備此三國也分故有大此者乎分有

大此者乎且王之所求者關晉楚也晉楚不

關越兵不起是知二五而不知十也此時不

攻楚臣以是知越大不王多小不伯復讎龐長

沙楚之粟也徐廣曰龐一作寵○正義曰復扶富反言今越北欲關晉楚南

復讎敵楚之四邑龐長沙竟陵澤也龐長沙出粟之地竟陵澤出材木之地此邑近長沙

潭衡之境越若竊兵西通無假之關則西邑不得北上貢於楚之郢都矣戰國時永柳衡

潭岳鄂江洪饒並是東南境屬楚也竟澤陵

楚之材也索隱曰劉氏曰復者發語之聲非也言發語聲者文勢然也則是脫

况字耳讎當作讎讎邑名字訛耳則讎龐長沙是三邑也竟澤陵當為竟陵澤言竟之山

澤出材木故楚有七澤蓋越窺其通無假之

其一也合上文為四邑也徐廣曰無此四邑者不上貢事於郢矣臣

關一作西聞之圖王不王其敝可以伯然而不伯者王

道失也故顛大王之轉攻楚也於是越遂釋

齊而伐楚楚威王興兵而伐之大敗越殺王

無彊盡取故吳地至浙江北破齊於徐州徐廣

日周顯王之四十六年○索隱曰按紀年粵

子無疆薨後十年楚伐徐州無楚敗越殺無

疆之語是無強為無疆而越以此散諸族子

之後紀年不得錄也

爭立或為王或為君濱於江南海上正義曰

臨海縣服朝於楚後七世至閩君搖佐諸侯

是也平秦漢高帝復以搖為越主以奉越後東越

閩君皆其後也范蠡太史公曰王妙論曰蠡

徐人○正義曰吳越春秋云蠡字少伯乃楚

究三戶人也越絕云在越為范蠡在齊為鴟

夷子皮在陶為朱公又云居楚曰范伯謂大

夫種曰三王則三皇之苗裔也五伯乃五帝

之末世也天運曆紀千一至黃帝之元執辰

破已霸王之氣見於地戶伍子胥以是按弓

越之邦同風共俗地戶之位非吳則越彼事為彼我為我又越王常與言盡日方去

越王勾踐既苦身戮力與勾踐深謀二十餘年竟滅吳報會稽之恥北渡兵於淮以臨齊晉號令中國以尊周室勾踐以霸而范蠡稱上將軍還反國范蠡以為大名之下難以久居且勾踐為人可與同患難與處安為書辭為踐曰臣聞主憂臣勞主辱臣死昔者君王辱於會稽所以不死為此事也今既以雪恥

臣請從會稽之誅勾踐曰孤將與子分國而

有之不然將加誅于子范蠡曰君行令臣行

意乃裝其輕寶珠玉自與其私徒屬乘舟浮

海以行終不反於是勾踐表會稽山以為范

蠡奉邑索隱曰國語云乃環會稽三百里以為范蠡之地奉音扶用反范蠡

浮海出齊變姓名自謂鴟夷子皮索隱曰范蠡自謂也

蓋以吳王殺子胥而盛以鴟夷今蠡自以有罪故為號也韋昭云鴟夷革囊也或曰生牛

也耕于海畔苦身戮力父子治產居無幾何

致產數千萬，齊人聞其賢，以為相。范蠡喟然嘆曰：「居家則致千金，居官則至卿相，此布衣之極也。久受尊名，不祥。」乃歸相印，盡散其財，以分與知友鄉黨，而懷其重寶，間行以去。止于陶。徐廣曰：今之濟陰定陶。正義曰：括地志云：陶山在濟州平陰縣東三十五里。南五里猶有朱公家。以為此天下之中，交易有無之路，通為生，可以致富矣。於是自謂陶朱公，復約要，父子耕畜，廢居，候時轉物，逐什

一之利，居無何，則致貲累巨萬。徐廣曰：天下萬萬也。

稱陶朱公。朱公居陶，生少子，少子及壯，而朱

公中男殺人，囚於楚。朱公曰：「殺人而死，職也。」

然吾聞千金之子，不死於市，告其少子，往視

之。乃裝黃金千溢，置褐器中，載以一牛車，且

遣其少子。朱公長男固請欲行，朱公不聽。長

男曰：「家有長子，曰家督。今弟有罪，大人不遣，

乃遣少弟，是吾不肖，欲自殺，其母為言曰：「今

遣少子未必能生中子也而先空亡長男奈何朱公不得已而遣長子為一封書遺故所

善莊生索隱曰據其時代非莊周也然驗其行事非子休而誰能信任於楚王乎

○正義曰年表云周元王四年越滅吳范蠡遂去齊歸定陶後遺莊生金莊周與魏惠王

周元王同時從周元王四年至齊宣王元年一百三十年此莊生非莊子曰至則

進千金于莊生所聽其所為慎無與爭事長

男既行亦自私齎數百金至楚莊生家負郭

披藜藿到門居甚貧然長男發書進千金如

其父言莊生曰可疾去矣慎毋留即弟出勿

問所以然長男既去不過莊生而私留以其

私齎獻遺楚國貴人用事者莊生雖居窮閭

然以廉直聞於國自楚王以下皆師尊之及

朱公進金非有意受也欲以成事後復歸之

以為信耳故金至謂其婦曰此朱公之金有

如病不宿誠後復歸勿動而朱公長男不知

其意以為殊無短長也莊生間時入見楚王

言某星宿某此則害於楚楚王素信莊生曰
今為奈何莊生曰獨以德為可以除之楚王
曰生休矣寡人將行之王乃使使者封三錢
之府國語曰周景王時將鑄大錢賈逵說云
虞夏商周金幣三等或赤或白或黃黃
為上幣銅錢為下幣韋昭曰錢者金幣之名
所以買賣物通財用也單穆公云古者有母
平子子權毋而行然則三品之來古亦
然矣謂楚之三錢賈韋之說近之楚貴
人驚告朱公長男曰王且赦曰何以也曰每
王且赦常封三錢之府昨暮王使使封之或

王且赦常封三錢之府者錢幣至重慮人或
逆知有赦盜竊之所以封錢府備盜竊也漢
靈帝時河內張成能侯風角知將有赦
教子殺人捕得七日赦出此其類也朱公

長男以為赦弟固當出也重千金虛棄莊生

無所為也乃復見莊生莊生驚曰若不去邪

長男曰固未也初為事弟弟今議自赦故辭

生去莊生知其意欲復得其金曰若自入室

取金長男即自入室取金持去獨自歡幸莊

生羞為兒子所賣乃入見楚王曰臣前言某

星事王言欲以脩德報之今臣出道路皆言陶之富人朱公之子殺入囚楚其家多持金錢賂王左右故王非能恤楚國而赦乃以朱公子故也楚王大怒曰寡人雖不德獨奈何以朱公之子故而施惠乎令論殺朱公子明日遂下赦令朱公長男竟持其弟喪歸至其母及邑人盡哀之唯朱公獨笑曰吾固知必殺其弟也彼非不愛其弟顧有所不能忍者

也是少與我俱見苦為生難故重棄財至如少弟者生而見我富乘堅驅良逐狡兔徐廣曰狡兔一作豈知財所從來故輕去之非所惜客前日吾所為欲遣少子固為其能棄財故也而長者不能故卒以殺其弟事之理也無足悲者吾日夜固以望其喪之來也故范蠡三徙成名於天下非苟去而已所止必成名卒老死于陶故世傳曰陶朱公

張華曰陶朱公冢在南郡華容縣西

樹碑云是越之范蠡也○正義曰威弘之荆
州記云荆州華谷縣西有陶朱公冢樹碑云
是越范蠡范蠡本宛三戶人與文種俱入越
吳亡後自滴齊而終陶朱公登仙未聞葬此
所由括地志云陶朱公冢也又云濟州平陰
縣東三十里陶山南五里有陶公冢并止於
陶山之陽按葬處
有三未詳其處

太史公曰禹之功大矣漸九川徐廣曰漸者亦引進通導

之意也字定九州至于今諸夏艾安及苗裔

勾踐苦身焦思終滅彊吳北觀兵中國以尊

周室號稱霸王徐廣曰一作主勾踐可不謂賢哉蓋

有禹之遺烈焉范蠡三遷皆有榮名名垂後
世臣主若此欲毋顯得乎

索隱述贊曰

越祖少康 至于允常 其子始霸

與吳爭彊 槁李之役 闔閭見傷

會稽之恥 勾踐欲當 種誘以利

蠡悉其良 折節下士 致膽思嘗

卒復讎寇 遂殄吳彊 後不量力

滅於無疆

後世民

鮮不量

越王勾踐世家第十卷之四十一 史記四十一

鄭世家第十二

史記四十二

鄭桓公友者周厲王少子而宣王庶弟也

徐廣

曰年表云母弟

宣王立二十二年友初封于鄭

索隱曰鄭

縣名屬京兆秦武公十一年初縣杜鄭是也又系本云相公居檇林徙拾宋忠云檇林與

拾皆舊地名是封相公乃名為鄭耳至秦之縣鄭是鄭武公東徙新鄭之後其舊鄭乃是

故鄭故秦始改爲封三十三歲百姓皆便愛

之幽王以為司徒

韋昭曰幽王八年為司徒○索隱曰韋昭據國語以

耳為說和集周民周民皆說河雒之間之便思

史記卷之四十一

之為司徒一歲幽王以褒后故王室治多邪

諸侯或畔之於是桓公問太史伯虞翻曰曰周太史曰

王室多故予安逃死乎太史伯對曰獨雒之

東土河濟之南可居公曰何以對曰地近虢

鄆徐廣曰虢在成皋鄆在密縣案虞翻曰

鄆號姬姓東魏也鄆姬姓正義曰括地志云洛州汜水縣古東魏叔之國東魏君也又云故鄆城在鄭州新鄭縣東北三十二里

虢鄆之君貪而好利索隱曰鄭語云虢又恃

又加之以貪冒是也虢叔又加之以貪冒是也虢叔百姓不附今公為

司徒民皆愛公公誠請居之虢鄆之君見公

方用事輕分公地公誠居之虢鄆之民皆公

之民也公曰吾欲南之江上何如對曰昔祝

融為高辛氏火正其功大矣而其於周末有

興者楚其後也周衰楚必興興非鄭之利也

公曰吾欲居西方何如索隱曰國語曰公曰

昭云謝申伯之國謝西有九州何如韋二萬五百家為州其說蓋異此對曰其民貪

而好利難久居公曰周衰何國興者對曰齊

秦晉楚乎。夫齊姜姓，伯夷之後也。伯夷佐堯，典禮秦嬴姓，柏翳之後也。柏翳佐舜，懷柔百物，及楚之先，皆嘗有功於天下。而周武王克紂，後成王封叔虞于唐。徐廣曰：晉世家曰：唐叔虞，姓姬氏，字子干。

○索隱曰：唐者古國，堯之後，其君曰叔虞，何以知然？據此系家下文云：唐人之季，代曰唐叔虞，當武王邑姜方娠，大叔夢天帝命而子曰：虞與之唐，及生有文在手，曰虞，遂以名之。及成王滅唐而國，太叔故因以稱其地阻險，叔虞杜預亦曰：取唐君之名是也。

以此有德與周表，並亦必興矣。桓公曰：善於

是。參言王東徙其民，雒東而虢，鄆果獻十邑。

○索隱曰：十邑謂虢、鄆、郇、補、舟、依、嘒、歷、華也。補丹依歷歷華君之土也。竟國之，韋昭曰：後今河南新鄭也。二歲犬戎殺幽王於驪山下。

并殺桓公，鄭人共立其子掘突。正義曰：上求勿反，下戶骨。

反是為武公。索隱曰：譙周云：名突滑皆非也。蓋古史失其名，太史公循舊失。

而妄記之耳，何以知其然者？按下文其孫昭公名忽，厲公名突，豈有孫與相同名乎？當是舊史雜記，則厲忽突之名遂誤，以掘突為武公之字耳。

武公十年娶申

侯女

正義曰括地志云故申城在鄧州南陽縣北三十里左傳云鄭武公取於申也

為夫人曰武姜生太子寤生生之難及生夫

人弗愛後生少子叔段段生易夫人愛之徐廣

日年表云十四年生寤二十七年生太叔段二十七年武公疾夫

人請公欲立段為太子公弗聽是歲武公卒

寤生立是為莊公莊公元年封弟段於京賈逵

日京鄆都邑杜預號太叔祭仲曰京大於國

非所以封庶也莊公曰武姜欲之我弗敢奪

也段至京繕治甲兵與其母武姜謀襲鄭二

十二年段果襲鄭武姜為內應莊公發兵伐

段段走伐京京人畔段段出走鄆正義曰鄆音烏古反

今新鄭縣南鄆頭有村多萬家舊鄆潰段出

奔共賈逵曰共國名也杜預曰今汲郡共縣

於是莊公遷其母武姜於城穎賈逵曰鄭地

疑許州臨誓言曰不至黃泉服虔曰天玄地

言黃泉母相見也居歲餘已悔思母穎谷之考

叔賈逵曰穎谷鄭地○正義曰括地志云穎

水源出洛州嵩高縣東南三十里陽乾山

今俗名穎山泉源出山之東谷其側有古人

居處俗名為穎墟故老云是穎考之故居即

鄭元注水經有獻於公公賜食考叔曰臣有

母請君食賜臣母莊公曰我甚思母惡負盟

奈何考叔曰穿地至黃泉則相見矣於是遂

從之見母二十四年宋縲公率公子馮奔鄭

鄭侵周地取禾索隱曰左傳隱三年鄭武公

及王崩周人將弔號公政夏四月鄭祭

足帥師取溫之麥秋又取成周之禾二十

五年衛州吁弑其君桓公自立與宋伐鄭以

馮故也二十七年始朝周桓王桓王怒其取

禾弗禮也索隱曰杜預曰桓公即位周鄭交

周桓公言於王曰我周之東遷晉鄭焉依善

鄭以勸來者猶懼不蕩况不禮焉鄭不來矣

二十九年莊公怒周弗禮與魯易枋許田索

曰許田近許之地魯朝宿之邑枋者鄭所受

助祭太山之湯沐邑鄭以天子不能巡守故

以枋易許田三十三年宋殺孔父三十七年

各從其近莊公不朝周周桓王率陳蔡虢衛伐鄭莊公

與祭仲高渠彌殺兵自救索隱曰左傳稱祭仲足蓋祭是邑其

人名仲字仲足故傳云祭封人中是是也此

細魯之戰在魯桓五年彌一作昧並音迷王師大敗祝瞻射中王臂索隱曰左祝瞻請

從之公羊下鄭伯止之曰犯長且難之况敢陵天子

乎乃止夜令祭仲問王疾三十八年北戎伐

齊齊使求救鄭遣太子忽將兵救齊齊釐公

欲妻之忽謝曰我小國非齊敵也時祭仲與

俱勸使取之曰君多內寵服虔曰言庶太子

無大援將不立三公子皆君也所謂三公子

者太子忽其弟突次弟子亶也索隱曰此文

及突子亶為三而杜預云不數太子四十三年

鄭莊公卒初祭仲甚有寵於莊公莊公使為

卿公使娶鄧女生太子忽故祭仲立之是為

昭公莊公又娶宋雍氏女賈逵曰雍氏黃帝

宋大夫生厲公突雍氏有寵於宋服虔曰為宋

寵宋莊公聞祭仲之立忽乃使人誘名祭仲

而執之曰不立突將死亦執突以求賂焉祭

仲許宋與宋盟以突歸立之昭公忽聞祭仲

以宋要立其弟突九月辛亥忽出奔衛己亥

突至鄭立是為厲公厲公四年祭仲專國政

厲公患之陰使其壻雍糾欲殺祭仲賈逵曰雍糾鄭

夫糾妻祭仲女也知之謂其母曰父與夫孰

親母曰父一而已人盡夫也杜預曰婦人在室則天父出則

天夫女以為疑故母以所生為本解之女乃告祭仲祭仲及殺

雍糾戮之於市厲公無奈祭仲何怒糾曰謀

及婦人死固宜哉夏厲公出居邊邑櫟宋喪日今

潁川陽翟縣○索隱曰按櫟音歷即鄭初得十邑之歷也祭仲迎昭公忽

六月乙亥復入鄭即位秋鄭厲公突因櫟人

殺其大夫單伯杜預曰鄭守櫟大夫也○索隱曰依左傳作檀伯事在桓

十五年此文誤為單伯者蓋亦有所因也按魯莊公十四年厲公自櫟侵鄭事與單伯會

齊師伐宋相連故知誤耳遂居之諸侯聞厲公出奔伐鄭

弗克而去宋頗子厲公兵自守於櫟鄭以故

亦不伐櫟。昭公二年，自昭公為太子時，父莊公欲以高渠彌為卿，太子忽惡之，莊公弗聽。卒用渠彌為卿。及昭公即位，懼其殺己，冬十月辛卯，渠彌與昭公出獵，射殺昭公於野。祭仲與渠彌不敢入厲公，乃更立昭公弟子亶，為君。是為子亶也。無誡。魏子亶元年七月，齊襄公會諸侯於首止。服虔曰：首止，近鄭之地。杜預曰：首止，猶地陳留。南有首鄉。鄭子亶往會，高渠彌相從。祭仲稱疾不行，所以然者，子亶自齊，襄公為公子之時，嘗會闞相仇，及會諸侯，祭仲請子亶無行。子亶曰：齊疆而厲公居櫟，即不往，是率諸侯伐我，內厲公，我不如往。往何遽必辱？且又何至是？卒行。於是祭仲恐齊并殺之，故稱疾。子亶至，不謝齊侯。齊侯怒，遂伏甲而殺子亶。高渠彌亡歸。索隱曰：左氏云：轅高渠彌歸與祭仲謀，召子亶。弟公子嬰於陳而立之，是為鄭子。索隱曰：左氏以糞子。

弟公子嬰於陳而立之，是為鄭子。索隱曰：左氏以糞子。

名乎儀此云嬰蓋別有所見是歲齊襄公使彭生醉拉殺

魯桓公鄭子八年齊人管至父等作亂弑其

君襄公十二年宋人長萬弑其君湣公鄭祭

仲死十四年故鄭亡厲公突在櫟者使人誘

劫鄭大夫甫瑕毛子要以求入索隱曰左傳作傳

依字瑕曰舍我我為君殺鄭子而入君厲公

與盟乃舍之六月甲子瑕殺鄭子及其二子

而迎厲公突突自櫟復入即位初內蛇與外

蛇闖於鄭南門中內蛇死居六年厲公果復

入入而讓其伯父原索隱曰左傳謂之原繁曰我亡國

外居伯父無意入我亦甚矣原曰事君無二

心人臣之職也原知罪矣遂自殺厲公於是

謂甫瑕曰子之事君有二心矣遂誅之瑕曰

重德不報誠然哉厲公突後元年齊桓公始

霸五年燕衛與周惠王弟頹伐王索隱曰惠

僖王子子頹莊王之妾王王出奔溫立弟頹

姚所生事在莊十九年

為王六年惠王告急鄭厲公發兵擊周王子
頽弗勝於是與周惠王歸王居于櫟七年春
鄭厲公與虢叔襲殺王子頽而入惠王于周
秋厲公卒子文公躒立索隱曰躒音在接反
系本云文公徙鄭宋
忠云即厲公初立四歲亡居櫟居櫟十七歲
新鄭也復入立七歲與亡凡二十八年文公十七年
齊桓公以兵破蔡遂伐楚至召陵二十四年
文公之賤妾曰燕姑賈逵曰姑
南燕姓夢天與之蘭

賈逵曰
香名也曰余為伯儵余爾祖也賈逵曰伯以
儵南燕祖
是為而子王肅曰以是蘭
也為汝子之名蘭有國香以夢告
文公文公幸之而予之草蘭為符遂生子名
曰蘭三十六年晉公子重耳過文公弗禮文
公弟叔詹曰重耳賢且又同姓窮而過君不
可無禮文公曰諸侯亡公子過者多矣安能
盡禮之詹曰君如弗禮遂殺之弗殺使即反
國為鄭憂矣文公弗聽三十七年春晉公子

重耳及國立是為文公秋鄭入滑滑聽命已

而反與衛於是鄭伐滑索隱曰左傳傳二十

俞彌帥周襄王使伯獮請滑索隱曰獮音服

子周大夫知伯獮即伯服也鄭文公怨惠王

之亡在櫟而文公父厲公入之而惠王不賜

厲公爵祿索隱曰此言爵祿與左氏說異左

之說公請器王予之爵則爵酒又怨襄王之

與衛滑故不聽襄王請而囚伯獮王怒與翟

人伐鄭弗克冬翟攻伐襄王襄王出奔鄭鄭

文公居王子汜三十八年晉文公入襄王成

周四十二年助楚擊晉自晉文公之過無禮

故背晉助楚四十三年晉文公與秦穆公共

圍鄭討其助楚攻晉者及文公過時之無禮

也初鄭文公有三夫人寵子五人皆以罪蚤

死公怒漑徐廣曰一作瑕○索隱曰音既左傳作瑕逐羣公子子

蘭奔晉從晉文公圍鄭時蘭事晉文公甚謹

愛幸之乃私於晉以求入鄭為太子晉於是
欲得叔詹為僂鄭文公恐不敢謂叔詹言詹
聞言於鄭君曰臣謂君君不聽臣晉率為患
然晉所以圍鄭以詹詹死而赦鄭國詹之願
也乃自殺鄭人以詹尸與晉晉文公曰必欲
一見鄭君辱之而去鄭人患之乃使人私於
秦曰破鄭益晉非秦之利也秦兵罷晉文公
欲入蘭為太子以告鄭鄭大夫石癸曰吾聞

姞姓乃后稷之元妃

杜預曰姞姓之女為后稷妃

其後當

有興者子蘭母其後也且夫人子盡已死餘

庶子無如蘭賢今圍急晉以為請利孰大焉

遂許晉與盟卒而立子蘭為太子晉兵乃罷

去四十五年文公卒子蘭立是為繆公繆公

元年春秦繆公使三將將兵欲襲鄭至滑逢

鄭賈人弦高詐以十二牛勞軍故秦兵不至

而還晉敗之於崤初往年鄭文公之卒也鄭

司城繒賀以鄭情賣之秦兵故來三年鄭殺
兵從晉伐秦敗秦兵於汧徐廣曰繒公之二年楚
太子商臣弑其父成王代立二十一年與宋
華元伐鄭華元殺羊食士不與其御羊斟怒
以馳鄭鄭囚華元宋贖華元元亦亡去晉使
趙穿以兵伐鄭二十二年鄭繒公卒子夷立
是為靈公靈公元年春楚獻黿於靈公子家
子公將朝靈公賈逵曰二子子公之食指動服虔

日第謂子家曰侂日指動必食異物及入見

靈公進黿シメンル羹子公笑曰果然靈公問其笑故

具告靈公靈公咎之獨弗予羹子公怒染其

指左傳曰滌指於鼎嘗之而出公怒欲殺子公子公

與子家謀先夏弑靈公鄭人欲立靈公弟去

疾去疾讓曰必以賢則去疾不肖必以順則

公子堅長堅者靈公庶弟徐廣曰年表云靈公庶兄去疾

之兄也於是乃立子堅是為襄公襄公立將

盡去繆氏繆氏者殺靈公子公之族家也去
疾曰必去繆氏我將去之乃止皆以為大夫
襄公元年楚怒鄭受宋賂縱華元伐鄭鄭背
楚與晉親五年楚復伐鄭晉來救之六年子
家卒國人復逐其族以其弑靈公也七年鄭
與晉盟鄆陵八年楚莊王以鄭與晉盟來伐
圍鄭三月鄭以城降楚楚王入自皇門鄭襄
公肉袒擊羊以迎曰孤不能事邊邑使君王

懷怒以及敝邑孤之罪也敢不惟命是聽君
王遷之江南及以賜諸侯亦惟命是聽若君

王不忘厲宣王桓武公哀不忍絕其社稷錫

不毛之地

何休曰境埆不生五穀曰不毛謙不敢求肥饒

使復得改

事君王孤之願也然非所敢望也敢布腹心
惟命是聽莊王為却三十里而後舍楚羣臣
曰自郢至此士大夫亦久勞矣今得國舍之
何如莊王曰所為伐伐不服也今已服尚何

求乎卒去晉聞楚之伐鄭發兵救鄭其來持
兩端故遲比至河楚兵已去晉將率或欲渡
或欲還平渡河莊王聞遂擊晉鄭反助楚大
破晉軍於河上十年晉來伐鄭以其反晉而
親楚也十一年楚莊王伐宋宋告急于晉晉
景公欲發兵救宋伯宗諫晉君曰天方開楚
未可伐也乃求壯士得霍人解揚字子虎詎
楚令宋毋降過鄭鄭與楚親及執解揚而獻

楚楚王厚賜與約使反其言令宋趣降三要

乃許於是楚登解揚樓車服虔曰樓車所以窺望敵軍兵法所

謂雲梯者杜預曰樓車車上望檣也今呼宋遂負楚約而致其

晉君命曰晉方悉國兵以救宋宋雖急慎毋

降楚晉兵今至矣楚莊王大怒將殺之解揚

曰君能制命為義臣能承命為信受吾君命

以出有死無隕服虔曰隕墜也莊王曰善之許我已

而背之其信安在解揚曰所以許王欲以成

吾君命也將死顧謂楚軍曰為人臣毋忘盡
忠得死者楚王諸弟皆諫王赦之於是赦解
揚使歸晉爵之為上卿十八年襄公卒子悼
公潰立索隱曰潰音秘鄒本一作弗悼公元
年鄭公徐廣曰音許惡鄭於楚悼公使弟踰
於楚自訟索隱曰踰音公遜反訟不直楚囚踰於是鄭
悼公來與晉平遂親踰私於楚子及子及言
歸踰於鄭二年楚伐鄭晉兵來救是歲悼公

卒立其弟踰是為成公成公三年楚共王曰
鄭成公孤有德焉使人來與盟成公私與盟
秋成公朝晉晉曰鄭私平於楚執之使藥書
伐鄭四年春鄭患晉圍公子如乃立成公庶
兄繻為君索隱曰繻音須鄒氏云一作纏其四月晉聞鄭立
君乃歸成公鄭人聞成公歸亦殺君繻迎成
公晉兵去十年背晉盟盟於楚晉厲公怒發
兵伐鄭楚共王救鄭晉楚戰鄢陵楚兵敗晉

射傷楚共王目俱罷而去十三年晉悼公伐

鄭兵於洧上服虔曰洧水名○正義曰括地志云洧水在鄭州新鄭縣北三里古新鄭城南韓詩外傳云鄭谷二月桃花水出時會於溱洧水上以自校除按在古城

城雨與鄭城守晉亦去十四年成公卒子憚

立是為釐公索隱曰憚音紆粉反左傳作髡原釐公五年鄭

相子駟朝釐公釐公不禮子駟怒使厨人藥

殺釐公徐廣曰年表云子駟使賊夜弑傳公赴諸侯曰釐公暴

病卒立釐公子嘉嘉時年五歲是為簡公簡

公元年諸公子謀欲誅相子駟子駟覺之反

盡誅諸公子二年晉伐鄭鄭與盟晉去冬又

與楚盟子駟畏誅故兩親晉楚三年相子駟

欲自立為君公子子孔使尉止殺相子駟而

代之子孔又欲自立子產曰子駟為不可誅

之今又效之是亂無時息也於是子孔從之

而相鄭簡公四年晉怒鄭與楚盟伐鄭鄭與

盟楚共王救鄭敗晉兵簡公欲與晉平楚又

盟楚共王救鄭敗晉兵簡公欲與晉平楚又

囚鄭使者十二年簡公怒相子孔專國權誅
之而以子產為卿十九年簡公如晉請衛君
還而封子產以六邑服虔曰四井為邑子產讓受其
三邑二十二年吳使延陵季子於鄭見子產
如舊交謂子產曰鄭之執政者侈難將至政
將及子子為政必以禮不然鄭將敗子產厚
遇季子二十三年諸公子爭寵相殺又欲殺
子產公子或諫曰子產仁人鄭所以存者子

產也勿殺乃止二十五年鄭使子產於晉問
平公疾平公曰卜而曰實沈臺駘為祟史官
莫知敢問對曰高辛氏有二子長曰閼伯季
曰實沈居曠林賈逵曰曠大也不相能也日操干戈
以相征伐后帝弗臧賈逵曰后帝堯也臧善也遷閼伯于
商丘主辰賈逵曰商丘在漳南杜預曰商丘宋地服虔曰辰大火主祀也商
人是因故辰為商星服虔曰商人契之先湯之始祖相土封閼伯之
故地因其故遷實沈于大夏主參服虔曰大夏在汾澮

之間主祀參星杜預唐人是因服事夏商賈

曰大夏今晉陽縣唐氏之胤劉累也事夏帝孔甲

封于大夏因實沈之國子孫以服事商也○

正義曰括地志云故唐城在絳州翼城縣西

二十里徐才宗國都城記云唐因帝堯之裔

子所封春秋云夏孔甲時有堯苗曹劉累者

以豢龍事孔甲夏后嘉之賜曰御龍氏以更

豕韋之後龍一雌死潛醢之以食夏后既而

使求之懼而遷于魯縣夏后蓋別封劉累之

後于之夏墟為唐侯至周成王時唐人作亂

成王滅之而封大叔遷唐人子孫於杜謂之

杜伯范氏所在周為唐杜氏地記云唐氏在

大夏之墟屬河東安縣今在絳城西北一自

里有唐拔者以為唐舊國其季世曰唐叔虞

然則叔虞之封即此地也

杜預曰唐人之季當武王邑姜方娠大叔夢

世其君曰叔虞帝謂已也已也武王也余命而子曰虞杜預曰取唐君

名乃與之唐屬之參而蕃育其子孫及生有

文在其掌曰虞遂以命之及成王滅唐而國

太叔焉故參為晉星賈逵曰晉主祀由是觀

之則實沈參神也昔金天氏有裔子曰昧為

玄冥師服虔曰金天少暉也玄冥水生允格

臺駘服虔曰允格能業其官服虔曰備

臺駘服虔曰允格能業其官服虔曰備

宣汾洧也賈逵曰宣猶通汾洧二水也障太澤服虔曰障其水也以

處太原服虔曰太原汾水名杜預曰太原晉陽也臺駘之所居也帝用嘉

之國之汾川服虔曰帝顓頊也沈妣蓐黃實守其祀

賈逵曰四國臺駘之後也今晉主汾川而滅之賈逵曰滅四國由

是觀之則臺駘汾洧神也然是二者不害君

身山川之神則水旱之菑服虔曰菑為營擯用幣也祭之

若有水旱則祭祭山川之神以祈福也日月星辰之神則雪霜

風雨不時祭之若君疾飲食哀樂女色所生

也平公及叔嚮曰善博物君子也厚為之禮

於子產二十七年夏鄭簡公朝晉冬畏楚靈

王之疆又朝楚子產從二十八年鄭君病使

子產會諸侯與楚靈王盟於申誅齊慶封三

十六年簡公卒子寔公寧立秋寔公朝晉昭

公寔公元年楚公子棄疾弑其君靈王而自

立是為平王欲行德諸侯歸靈王所侵鄭地于

鄭四年晉昭公卒其六卿彊公室卑子產謂

韓宣子曰為政必以德毋忘所以立六年鄭
火公欲禳之子產曰不如脩德八年楚太子
建來奔十年太子建與晉謀襲鄭鄭殺建建
子勝奔吳十一年定公如魯晉與鄭謀誅周
亂臣入敬王于周索隱曰王避弟子朝之亂
出居狄泉在昭二十三年
至二十六年晉鄭入之經
曰天王入于成周是也十三年定公卒子
獻公薨立獻公十三年卒子聲公勝立當是
時晉六卿彊侵奪鄭鄭遂弱聲公五年鄭相

子產卒

正義曰括地志云子產墓在新鄭縣
西南三十五里鄭元注水經云子產

墓在涇水上累石為方墳墳東
北向鄭城杜預曰言不忘本也鄭人皆哭泣

悲之如亡親戚子產者鄭成公少子也為人
仁愛入事君忠厚孔子嘗過鄭與子產如兄
弟云及聞子產死孔子為泣曰古之遺愛也
賈逵曰愛惠也杜預曰子
產見愛有古人遺風也兄事子產八年晉

范中行氏反晉告急於鄭鄭救之晉伐鄭敗

鄭軍於鐵

杜預曰鐵城南鐵丘○正義曰括
地志云鐵州在滑州衛南縣東南

十五年十四年宋景公滅曹二十年齊田常弑
其君簡公而常相於齊二十二年楚惠王滅
陳孔子卒二十六年晉知伯伐鄭取九邑三
十七年釐公卒子哀公易立年表云三十八年哀公
八年鄭人弑哀公而立釐公弟丑是為共公
共公三年晉滅知伯三十年共公卒子幽公
己立幽公元年韓武子伐鄭殺幽公鄭人立
幽公弟駘是為繻公年表曰鄭立幽公繻公
子駘繻或作繻

十五年韓景侯伐鄭取雍立鄭城京十六年

鄭伐韓敗韓兵於負黍徐廣曰在陽城○正
義曰括地志云負黍

亭在洛州陽城縣西南
三十五里故國邑也二十年韓趙魏列為

諸侯二十三年鄭圍韓之陽翟二十五年鄭

君殺其相子陽二十七年子陽之黨共弑繻

公駘而立幽公弟乙為君是為鄭君徐廣曰
一本云

立幽公弟乙陽為君是為康公六國年表云
立幽公子駘又以鄭君陽為鄭康公乙班固

云鄭康公乙鄭君乙立二年鄭負黍及復歸
為韓所滅

韓十一年韓伐鄭取陽城二十一年韓哀侯滅鄭并其國
太史公曰語有之以權利合者權利盡而交
踈甫瑕是也甫瑕雖以劫殺鄭子內厲公厲
公終背而殺之此與晉之里克何異守節如
荀息身死而不能存奚齊變所從來亦多故
矣外韓趙魏其外國來無與曰五國曰五
索隱述贊曰為漢以立禮也

厲王之子	得封於鄭	代職司徒
緇衣在詠	魏節獻邑	祭足專命
莊既犯王	厲亦奔命	居櫟克入
夢蘭疏慶	伯服生囚	叔瞻尸聘
釐簡之後	公室不競	負黍雖還
韓哀日盛		

鄭世家第十二

史記四十二

